

禮


書

通

故

元同先生小照

鎮海虞琴摹
劉慈孚題



聲音訓詁入學之門孰窺堂奧
富美禮文芟艾支離褻抱精純
漢學波靡先生董振履賢體聖
派衍司農紹聞衣言多士景從
絲蕞時肄魯徐善容豈惟桑梓
瞻仰敬恭

受業林頤山敬題

多有以禮學名家者宋元以來禮學衰息僞言易而輿言禮易可空談禮必徵實也

昌明大儒輩出于是議禮之家日以精密亏衣服宮室之度冠昏器祭之儀軍賦官祿之制天文地理之說皆能考求古義歷歷言之而彙萃成書集禮家之大成者則莫如秦味經氏之五禮通考曾文正公嘗與余言此書體大物博歷代典章具在亏此三通之外尋此而四爲學者不可不讀之書余讀之誠然惟秦氏之書按而不斷無所折衷可謂禮學之淵藪而未足爲治禮者之藝極求其博學詳說公非求足尋以窺見先

王制化之潭奧者其在定海黃氏之書乎定海黃君元同爲薇香先生之哲嗣往歲吳和甫同季視學吾浙錄先生明堂步筵說見示謂與余說明堂大旨相合余淡惜不及一見未幾余來主講詁經精舍始尋交亏君後又與同在書局知君固好學深思之士也曾以所撰禮書通故數冊示余余不自揣小有獻替至今歲又以數巨編來則毅然成書又尋見其十之六七而余精力衰頹學問荒廢流覽是書有望洋向若而歎而已歟不鄙棄問序亏余余何足序此書哉惟禮家聚訟自古難之君爲此書不墨守一家之學綜貫羣經博采眾論實事

求其惟善是從故有駁正鄭義者如綏以屬武非飾纓射者履物正足非方足是也有申明鄭義者如冠弁委貌爲正義或以爲元冠者別一說非謂冠弁卽元冠婦饋舅姑其席亏與謂二席竝設非謂舅姑同席是也略舉數事雖其小小者然其精審可知矣至其宏綱巨目凡四十有九洵足究天人之奧通古今之空視秦氏五禮通考博或不及精則過之向使文正尋見此書必大嘆歎謂秦氏之後又有此作可益三通而又矣余經義廢輟無能爲益而所說冠義母拜之鄉射禮乏參侯道皆頗與鄙說合亦未始不自幸也德清俞樾

禮書通故

禮書通故弟一

定海黃以周述

孔穎達云周禮見亏經籍其名異者有七處孝經說云

禮經三百一也

惠校宋本作禮經今禮器文同禮器云經禮三百

二也中庸云禮儀三百三也春秋說云禮義三百四也

春秋傳曰是以有動作禮義威儀之則春秋說本此為文今各本俱誤作禮經三百與孝經說同則七處止有六名無七名禮說云有正經三百五也周官外題謂為周禮

六也漢藝文志云周官經六篇七也七者皆云三百故

知俱是周官周官三百六十舉成數故云三百也儀禮

之別亦有七處而有五名一則孝經說春秋說及中庸

並云威儀三千二則禮器云曲禮三千三則禮說云動
儀三千四則謂爲儀禮五則藝文志謂儀禮爲禮古經
凡此併謂並承三百之下故知卽儀禮也非謂篇有三
千但事之殊別有三千條耳或一篇一卷則有數條之
事朱熹云經禮威儀禮器化經禮曲禮而中庸以經禮
爲禮儀鄭元等皆曰經禮卽周禮曲禮卽儀禮獨臣瓚
曰周禮三百特官名耳經禮謂冠昏吉凶蓋以儀禮爲
經禮也而近世葉夢尋曰經禮制之凡也曲禮文之目
也先王之世二者皆臧書云有司祭祀朝覲會同則太
史執之以蒞事小史讀之以喻眾而卿大夫受之以教

萬民保氏掌之以教國子者亦此書也愚意禮篇三名
禮器爲勝諸儒之說瓊葉爲長蓋周禮乃制治立法設
官分職之書亏天下無不該攝禮典固在其中而非專
爲禮說也故漢志立其經傳之目但曰周官而不曰周
禮自不應指其官目以當禮篇之目又況其中或以一
官兼掌眾禮或以數官通行一事亦難計其官數以充
禮篇之數至云儀禮則其中冠昏器祭燕射朝聘自爲
禮經大目亦不容專以曲禮名之也又攷經禮固今之
儀禮其存者十七篇而其逸見云它書者猶有投壺奔
器巡廟鬯廟中霤等篇曲禮則皆禮之微文小節如今

曲禮少儀內則玉藻弟子職篇所記以周案古人云儀
禮單曰禮對記言則曰經其中古文曰古經周禮止曰
周官對傳言曰周官經說文敘曰其傳禮周官皆古文
漢藝文志曰禮古經五十六篇經十七篇周官經六篇
周官傳四篇景十三王傳曰周官尙書禮禮記孟子老
子之屬竝未有儀禮周禮之名自劉歆始建立周官經
以爲周禮於是周官有周禮之名而十七篇之禮尙不
稱儀禮也後人又誤以曲禮三千爲禮經云是名禮經
爲儀禮經義旣繆經名亦因之不正矣後漢鄭元傳云
鄭所注周易尙書毛詩儀禮禮記論語孝經舉鄭所注

書不應遺周官蓋儀禮二字乃周官禮三字之誤非漢
時有儀禮之名也先君子曰中庸禮儀三百威儀三千
據周官肆師注古書禮儀作禮義左傳民受天地之中
以生是以有動作禮義威儀之則言人之動作禮義三
百威儀三千有法則也以其爲禮之大經曰經禮以其
爲禮之大義曰禮義其實一也以其威可象儀可象曰
威儀以其委曲繇重曰曲禮實亦一也儀禮十七篇之
大綱是謂禮經其中曲禮雖以凌次仲之釋例猶未盡
其詳也周官冢宰言六典之綱是謂禮經而九賦九式
未嘗非曲禮大宗伯言五禮之綱是謂禮經而大行人

司儀所言未嘗非曲禮也戴記如冠義昏義鄉飲酒義燕義射義聘義凡以義名者古之所謂禮義遺篇猶在卽爲禮經而其中言拜揖之儀俎豆之數非無曲禮少儀內則玉藻統言之皆爲曲禮而任翼聖分內則少儀玉藻爲明倫之綱曲禮上爲敬身之綱亦非無禮經也諸書有經有曲讀者善會之或謂禮經爲常曲禮爲變尤謬

孔穎達云周禮爲本儀禮爲末賈公彥云周禮爲末儀禮爲本以周案二書無本末可分漢藝文志依劉歆七略禮類禮經先周官後極當

阮元云禮經在漢祇稱禮亦曰禮記熹平石經有儀禮
載洪适隸釋而戴延之謂之禮記是也無稱儀禮者鄭
引此經直舉篇名亦不稱儀禮今注疏本首題儀禮鄭
氏注疑鄭學之徒加之猶鄭氏箋三字爲雷次宗所加
也以周案范書述鄭所注書有儀禮字禮經大題亦有
儀禮字或者遂謂儀禮之名鄭君所定斯語失實鄭注
羣經引禮經文皆直舉篇名不云儀禮其注禮器以曲
禮爲儀禮則云謂今禮也仍不名之爲儀禮鄭志爲鄭
學之徒所記其引禮經亦直舉篇名不云儀禮則鄭氏
師弟子竝無儀禮之名也禮注大題儀禮當是東晉人

所加東晉人盛傳儀禮、又案禮經古祇稱禮經五十六篇皆古文對今文言之曰禮古經見漢志十七篇爲今文別古文言之曰今禮見鄭君禮器注今禮者今文家所傳禮也古文禮與記各自爲書今文家記增亏禮亦稱之曰禮記詩鄭箋引少牢禮曰禮記主人髮鬢爾雅郭注引士相見妥而後傳言有司徹罷用席器服傳苴麻之有蕢者竝曰禮記是也漢初傳今文十七篇者有大戴小戴慶氏三家其本各異當時別其家法又稱之曰大戴禮小戴禮鄭君目錄所謂大戴弟幾小戴弟幾是也後漢儒林傳云康成木習小戴禮後以古經校

之取其義長者爲鄭氏學下又別言注小戴禮記四十
九篇則所云小戴禮卽十七篇也鄭君以經禮三百爲
周官三百六十屬曲禮三千爲今禮十七篇及其逸者
亏是又併之曰曲禮奔器注投壺目錄並云屬曲禮之
正篇曲禮卽指今禮十七篇及其逸者也自東漢三禮
之名出禮爲周官禮禮記之總名而西漢五十六篇之
專名反爲周官禮記所涵自魏晉號四十九篇爲禮記
亦謂之小戴禮而東漢十七篇之名禮記名小戴禮者
又爲四十九篇戴記所奪於是別號之爲儀禮此與鄭
君以十七篇爲曲禮同意然曲禮雖不足當十七篇而

名猶見於經謂之儀禮實爲不典或曰儀禮之名始自東漢隋志載一字石經有儀禮九卷隸釋載熹平石經殘碑亦有儀禮此語實非石經之見云范史者據帝紀及儒林宦者傳皆云五經據蔡邕張馴傳以爲六經及讀盧植傳知熹平刊石經本止五經後從盧植奏請刊立禮記合之爲六經陸機洛陽記載延之西征記太平御覽一百七十六引羊頭山記並云石經有禮記不言儀禮與盧植傳甚合隋志名爲儀禮者係後人改僞非其舊題也

禮經篇次依劉向別錄與大小戴不同大戴禮士冠一

士昏二士相見三與別錄同士器四既夕五士虞六特
牲七少牢八有司徹九鄉飲酒十鄉射十一燕禮十二
大射十三聘禮十四公會大夫十五覲禮十六器服十
七與別錄異小戴禮士冠一士昏二士相見三鄉飲酒
四鄉射五燕禮六大射七與別錄同士虞八器服九特
牲十少牢十一有司徹十二士器十三既夕十四聘禮
十五公會十六覲禮十七與別錄異案三家篇弟先後
具詳鄭君目錄此
據士冠禮疏所引據士器禮目錄云大戴弟四小戴弟
八士虞禮目錄云大戴弟六小戴弟十五弟八當作弟
十三弟十五當作弟八特牲禮鄭目錄不記篇弟文以
脫吳氏澄補之云大戴弟七小戴弟十三三字亦衍以
周案大小戴同受業亏后倉傳高堂生之學所定禮經

篇次不同以大戴爲最當禮經十七篇以冠昏相見士
器既夕士虞特性鄉飲鄉射九篇士禮居首后倉傳其
學佗曲臺記九篇卽說此士禮九篇以推天子諸侯之
制大戴以此九篇剝首以明授受所自而少牢有司徹
二篇與特牲類故併入之且鄉飲鄉射亦兼大夫禮也
燕大射以下爲諸侯天子禮器服通禮終之其次秩然
漢藝文志云禮古經五十六篇經七十篇記百三十一
篇明堂陰陽三十三篇王史氏二十一篇曲臺后倉九
篇漢興魯高堂生傳士禮十七篇訖孝宣世后倉取明
戴直戴聖慶普皆其弟子三家立考學官禮古經者出

亏魯淹中及孔氏學七十篇文相似多三十九篇及明
堂陰陽王史氏記所見多天子諸侯卿大夫之制雖不
能備猶燕倉等推士禮而致亏天子之說劉敞云經七
十篇當佗十七篇及孔氏謂孔氏安國所尋壁中書也
當屬上句學七十篇學當佗與七十當佗十七古經五
十六卷除十七正多三十九朱熹云上文經七十篇本
注后氏戴氏又言高堂生傳士禮十七篇后倉二戴皆
其弟子高堂生三傳至后倉二則彼所謂后戴之禮卽
戴乃后倉弟子此句誤傳此高堂生之所尋而今號儀禮者也況劉氏所考亏
所增多篇數適合而上文經目又別無高堂生十七篇

之禮其證甚明賈公彥疏亦云古文十七篇與高堂生所傳相似是唐初時漢志猶未誤也當從劉氏說又張氏識誤云如歆所言則高堂生所尋獨爲士禮而今儀禮乃有天子諸侯大夫之禮尻其大半疑今儀禮非高堂生之書但篇次偶同耳此則不泐考亏劉說所訂之誤又不察其所謂士禮者特略舉首篇以明之其曰推而致亏天子者蓋專指冠昏器祭而言若燕射朝聘則士豈有是禮而可推耶江永云儀禮不止士禮此志傳士禮三字恐有誤儒林傳云高堂生傳禮十七篇無士字賈公彥敘周官廢興引此志云漢興至高堂生博士

傳十七篇蓋博士之博誤為傳而傳易為禮遂誤作傳
士禮百賈氏所引唐初本尚未誤以周案釋文敘錄曰
古禮經五十六篇倉傳十七篇所餘三十九篇以付書
館名為逸禮又引鄭六藝論曰後尋孔氏壁中河閒獻
王古文禮五十六篇記百三十一篇其十七篇與高堂
生所傳同而字多異劉氏校藝文志改七十作十七與
釋文合亏本志所云多三十九篇之數亦符是也案七
十七字之例斷無可疑以總目凡禮家五百五十五篇
核之尚少一篇據記奔器孔疏引藝文志漢興始于魯
淹中尋古禮五十七篇其十七篇與今儀禮同其餘四
十篇藏於祔府謂之逸禮又引六藝論云後孔子壁中
尋古文禮五十七篇較今漢志卻多一篇然云古禮
五十六篇諸書所引悉同未可偏執一文以質之矣漢

志又云及孔氏學孔當作后禮之有后氏學猶易之有
孟氏學詩之有韓氏學也及之言與也下句及明堂陰
陽亦同及后氏學十七篇文相似卽六藝論所謂其十
七篇與高堂生所傳同而字多異也劉氏改學爲與未
是及孔氏連上魯淹中爲句亦非淹中卽孔氏里何尋
分而二之曰及孔氏孔字當爲后之駁體上云后氏學
下云猶瘝倉等文亦相應又藝文志及儒林傳竝云高
堂生傳士禮十七篇攷史記儒林傳云禮至秦焚書燬
亡益多亡今獨有士禮高堂生能言之則高堂生所傳
十七篇謂之士禮非字誤也十七篇之次以大戴所傳

取尋其真其書以冠昏相見士器既夕士虞特性鄉飲
鄉射九篇居首故曰士禮后倉傳高堂生之學作曲臺
記九篇亦即說此冠昏相見士器既夕士虞特性鄉飲
鄉射九篇士禮以推說天子諸侯卿大夫之制不及古
文禮為詳故云古經多三十九篇多天子諸侯卿大夫
之制猶庠倉等推士禮以致亏天子之說此本專指曲
臺記九篇言

案漢書如注云行射禮于曲臺后倉為記
七略云宣皇帝時行射禮博士后倉為之

辭至今記之曰曲臺記據此曲臺九篇內當有射禮然
其書初非專言射如注七略著其他書之由耳服虔云
在曲臺校書著記因以為名孫惠蔚云曲臺之記載氏
所述然多載尸灌之義性獻之數而行之法備物之
體蔑有具焉據此曲臺為校書後漢儒林傳引并書高
之地其九篇內于祭類尤詳也

堂生漢興傳禮十七篇孔氏禮記正義引藝文志及儒
林傳亦云高堂生傳禮十七篇皆優文節引爾高堂生
未立博士賈敘高堂生博士傳十七篇當依士冠禮疏
所引佗高堂生爲博士傳禮十七篇 又案古文禮五
十六篇弓天子諸侯卿大夫禮爲多今禮十七篇大夫
止少牢有司徹二篇諸侯止燕大射聘會四篇天子止
覲禮一篇士禮則有九篇自注疏以鄉飲鄉射屬大夫
禮後人遂不知曲臺記九篇爲何書而推士禮致天子
之說亦不明張氏識誤固謬江慎修說尤非

邵懿辰云漢初高堂生傳禮經十七篇非有關也晉義

曰夫禮始乎冠本乎昏重乎器祭尊乎朝聘和乎鄉射
是八者約十七篇而言之也禮運凡兩舉八者特射鄉
訛爲射御耳一則曰達乎器祭射鄉冠昏朝聘再則曰
其行之以貨力辭讓飲食冠昏器祭射鄉朝聘貨力辭
讓飲食六者禮之緯也冠昏器祭射鄉朝聘八者禮之
經也其證之明確而可指者適合乎大戴十七篇之次
序大戴一二三篇冠昏也四五六七八九篇器祭也十
十一十二十三篇射鄉也十四十五十六篇朝聘也而
器服之通乎上下者附焉孔子取此十七篇以爲教故
曰子所雅言劉歆謂又有逸禮三十九姦言不足信又

以爲高堂生傳士禮十七篇其誤始亏史記太史公疏略見其首篇爲士禮概而言之以周案王制以冠昏饗祭鄉相見爲六禮司徒修六禮以節民性則所謂冠昏饗祭鄉相見士禮也大戴以此居禮經之首亦以明高堂生所傳號爲士禮者以此禮運通天子諸侯爲文兩言冠昏饗祭射御朝聘家語引佗達之饗祭鄉射冠昏朝聘邵氏以射御之御爲鄉之形譌不爲無據以此入者爲約十七篇而言之十七篇爲完書所見亦卓但因此遂議逸禮三十九篇爲姦言殊不足信

漢藝文志云魯共王壞孔子宅得古文尙書及禮記論

語孝經凡數十篇皆古字也閻若璩云禮記今文二字
衍或禮經之誤或云禮記當作禮禮記數十當作數百
以周案說文自敘云壁中書者魯恭王壞孔子宅而得
禮記尙書春秋論語孝經亦云禮記與漢志同禮句卽
志所謂禮古經五十六篇是記句卽志所謂記百三十
一篇是西漢之時云禮經但曰禮其記但曰記漢志說
文敘可以互證亦有偁其記爲禮記者如河閒獻王傳
所謂禮禮記是也但河閒獻王所昇禮記卽志所謂百
三十一篇之古文與大小戴禮記有別大小戴禮記古
經古記及今文禮記兼有禮與記皆有古文今文之別

淹中所昇之經五十六篇記百三十一篇明堂陰陽三十三篇王史氏二十一篇皆古文也后倉所傳禮十七篇爲今文大小戴所輯諸記多係今文而亦間存古文也何以言之漢志云記百三十一篇七十子後學者所記也明堂陰陽三十三篇古明堂之遺事王史氏二十一篇七十子後學者七十子後學者謂七十子之徒故劉向別錄云六國時人也見顏注漢志又曰禮古經出淹中與十七篇文相似多三十九篇及明堂陰陽王史氏記所見多天子諸侯卿大夫之制及字承上多字爲文皆今文家后倉等所未見是明堂陰陽王史氏諸記

亦出亏淹中也釋文敍錄引劉向別錄云古文記二百四篇是諸記之爲古文可知也敍錄又引六藝論云後昇孔氏壁中河閒獻王古文禮五十六篇記百三十一篇周禮六篇鄭君此論上下皆據古文言之則百三十一篇之記爲古文尤可知也鄭注奔罍云奔罍實逸曲禮之正篇也漢興昇古文而禮家又貪其說因合亏禮記耳又投壺目錄云投壺亦屬曲禮之正篇也曲禮之正篇謂禮之古經此戴記有古經之證也漢志古經五十六篇而記百三十一篇一倍有餘蓋七十子後學各記所聞一經不止一記也今禮經中諸記爲后倉所傳

今文家之記小戴有冠昏鄉飲燕射聘諸記大戴有朝
事儀蓋出亏古文家者故晉陳邵周禮論序云戴德刪
古禮二百四篇爲八十五篇二百四篇卽別錄所謂古
文記此戴記有古記之證也鄭注奔器以爲古文許君
五經異義引戴記則謂之今禮蓋大小戴所采之禮雖
古文今文兼有而古文難讀勢不能多采卽奔器篇屬
古文而其難讀之處已多節去故鄭注奔器又引逸奔
器禮以相較此戴記所采古文少今文多之證也閻說
禮記今文固爲失察漢志云凡數十篇皆古字也專承
上尙書而言故下云孔安國悉昇其書以考二十九篇

尋多十六篇其餘篇數詳下故亏此略之非通禮記論語孝經言之也或疑文有脫譌亦未是

劉向別錄云古文記二百四篇以周案漢志禮家記百三十一篇別錄多七十三篇若合明堂陰陽三十三篇王史氏二十一篇亦止有百八十五篇別錄多十九篇蓋漢志本劉歆七略而七略與別錄亦有出入也別錄有通論制度吉事器服祭祀樂記明堂陰陽世子法等目見鄭君禮記目錄別錄入樂記于禮家七略出樂記于樂家斯其顯異可見者後人必參求其同說多膠葛不可通錢竹汀說漢志記百三十一篇合大小戴而言

小戴記四十九篇曲禮檀弓禘記皆以簡策重多分爲
上下實止四十六篇合大戴之八十五篇正協百三十
一之數據器服四制孔疏別錄無此文是志所云百三
十一篇在別錄止百三十篇矣加明堂陰陽王史氏五
十四篇再加以三朝記樂記二十篇適昇二百四篇錢
氏此說不足爲據以今大戴所存之篇已多同于小戴
則小戴所取未必盡是大戴所棄且大小戴之記亦非
盡取諸百三十一篇之中漢志樂記二十三篇三朝記
七篇合三十篇亦不昇據史記所錄十三篇爲說陳恭
甫又爲之說日記百三十一篇合明堂陰陽三十三篇

王史氏二十一篇樂記二十三篇孔子三朝記七篇凡二百十五篇而別錄言二百四篇疑樂記二十三篇其十一篇已具百三十一篇記除之故爲二百四篇孔子三朝記亦重出不除者篇名不同故也陳氏此說亦未當漢志樂記二十三篇全入樂家禮家之記斷不重出此十一篇一除一不除亦任意言之

鄭眾云書序言成王既黜殷命還歸在豐作周官則此周官也鄭元云序此者成王作周官其志有述天授位之義故周公設官分職以泐之賈公彥云尙書般庚康誥說命泰誓之屬三篇序皆云某作若干篇今多者不

過三千言周禮乃六篇文異數萬終始辭句非書之類
案書傳周公一季救亂二季伐商三季踐奄四季建侯
衛五季營成周六季制禮作樂七季致政成王所制之
禮卽今周禮也以周案賈疏駁仲師申康成甚當

賈公彥云周官孝武時始出祕而不傳附離之者大半
故林孝存以爲武帝知周官末世黷亂不諛之書作十
論七難以排棄之何休亦以爲六國陰謀之書唯有鄭
元徧覽羣經知周禮乃周公致太平之迹故能荅林碩
之論難使周禮義尋條通朱熹云周禮周公遺典也胡
氏父子以爲王莽令劉歆掇如天官冢宰卻管宮闔之

事其意只見後世宰相請託宮閭交結近習以爲不可
不知此正人君治國平天下之本豈可以後世之弊而
并廢聖人之良法美意哉又如王后不當交通外朝之
說他亦是懲後世之弊要知儀禮中亦分明自載此禮
至若女祝掌凡內禱祠祈禳之事使後世有此官則巫
蠱之事安從有哉以周案漢志周官經六篇傳四篇古
人經傳分行後世多比附之如儀禮傳附節下記附篇
末幸有標題其違失經意猶易識別周官傳不見其屢
入經中亦必不少故周官聞有可疑特不可如後人之
指擊耳

鄭樵通志據孫處說以爲周禮之作周公居攝
六年之後書成歸豐而實未嘗經行故其言與

他經不
類存參

賈公彥云以設位言之謂之周官以制位言之謂之周
禮王應麟云鄭眾傳周官經後馬融作周官傳授鄭元
元作周官注猶未以周禮名也隋志自馬融注以下始
曰周官禮闔若璩云案康成序曰世祖以來通人達士
鄭氏父子衛宏賈逵馬季長皆作周禮解詁周禮之名
已見于此以周案鄭君弓儀禮禮記注引周禮甚多不
獨周官序爲狀後漢書盧植傳植疏曰中興以來通儒
達士班固賈逵鄭興父子毛詩左氏周禮各有傳記此
鄭序所本也考周禮之名始見于漢書王莽傳其議建

亏劉歆亦見亏荀悅之紀陸惠明之敍錄紀云劉歆以周官十六篇

爲周禮十字疑衍敍錄云劉歆始建立周官經以爲周禮老虛谷云班氏亏莽一傳

之中凡莽及臣下施亏詔議章奏自號曰周禮必大書

之而自爲史文乃要端見例復仍其本名曰周官倉貨

志莽乃下詔曰夫周禮有賒貨及後云又以周官稅民

是亦一志而兩見由其意觀之固未有著明亏此也郊

祀志莽改南北郊祭禮猶稱周官時未居攝不敢紊易

至此也莽傳徵天下通藝及張純等奏之僞周官亦皆

在未居攝之時是則周官之易名周禮其在居攝之後

矣

釋文敘錄云陳邵云戴德刪古禮二百四篇爲八十五篇謂之大戴禮戴聖刪大戴禮爲四十九篇是爲小戴禮隋經籍志云記百三十一篇劉向校畧百三十篇又畧明堂陰陽記三十三篇孔子三朝記七篇王史氏記二十一篇樂記二十三篇凡五種合二百十四篇戴德刪其繇重合爲八十五篇謂之大戴記而戴聖又刪大戴之書爲四十六篇謂之小戴記漢末馬融傳小戴之學又足月令一篇明堂位一篇樂記一篇合四十九篇以周案晉陳邵周禮論序語皆失實漢志記百三十一篇明堂陰陽三十三篇王史氏二十一篇蓋古文也大

小戴所采記今文為多大戴記之存者云漢志禮家諸
記外又取儒家曾子十八篇存其十篇孫卿子三十三
篇存其問五義三本勸學宥坐數篇賈子五十八篇存
其係傳諸篇又取論語家孔子三朝記七篇師古曰三
大戴禮有其一篇案史記五帝本紀索隱蜀志秦宓傳
注並引劉向別錄云孔子三見哀公作三朝記七篇今
在大戴禮王伯厚以為卷之九千乘四代虞戴惠詒志
卷之十一小辨用兵少閒即漢志三朝記七篇中隔以
卷之十篇小戴記奔罍投壺諸篇取諸古禮經鄉飲酒
義冠義昏義射義燕義聘義取諸古禮記三季問哀公
問諸篇取諸荀子又取儒家子思子二十三篇存其中
庸表記坊記緇衣四篇取公孫尼子樂記二十三篇存

其十一合為一篇

顏師古以記中庸卽藝文志之中庸說二篇誤舊唐書引沈約云中庸表

記坊記緇衣皆取子思子樂記取公孫尼子劉瓛云緇衣樂記皆公孫尼子作按文選注引子思子曰民以君為心君以民為體又引子思子詩曰管吾有先正陳邵其言明且清今其語皆在緇衣篇則沈氏說信矣

二百四篇據劉向別錄為言其實二戴所取不專在二百四篇中也作隋書者改為二百十四篇又以五種實有二百十五篇遂謂記百三十一篇劉向校尋百三十篇以合其數誤杜氏通典又改明堂陰陽記為二十二篇王史氏記為二十篇總二百二篇更誤又考樂記孔疏云按別錄禮記四十九篇樂記第十九則樂記入禮記在劉向而四十九篇實為小戴之舊目矣後漢橋

元傳云七世祖仁從戴德學著禮記章句四十九篇成
帝時為大鴻臚戴德當佗戴聖漢儒林傳曰小戴授梁
人橋仁楊榮家世傳業由是小戴有橋楊之學劉向校
書祕府與橋仁同時所見篇目已為四十九不待融足
甚明釋文敘錄曰劉向別錄有四十九篇其篇次與今
禮記同名為他家書拾掇所取不可謂之小戴禮
此語亦非別錄所記四十九篇即本小戴禮記
特篇次先後有異同耳觀鄭君目錄所引自知隋志欲
以小戴所錄補大戴闕篇尙多三篇故以月令明堂樂
記歸之融入以合其數其實小戴之記未必俱取大戴
戴東原孔顥軒已詳辨之矣竊考詩汾沮洳正義引大
戴禮辨名記靈臺正義引大戴禮正穆篇玉海載沈約

謚法十卷序引大戴記有謚法白虎通義引辨名記曰
禮別名記引謚法曰禮記謚法所云禮皆據大戴禮爲
文又別引禮三正記禮五帝記禮親屬記其亦爲大戴
禮記可知也則大戴亡佚之篇非一同小戴而隋書欲
以小戴之四十六篇補其闕數不亦誣乎今大戴記三
十八篇已上皆亡中又闕四十三四四四四十五六十
一四篇及八十二以後四篇凡存三十九篇其實大戴
篇第宜依司馬貞所見本爲定凡存三十八篇史記索
隱云大戴禮合八十五篇其四十七篇亡見今存者有
三十八篇錢竹汀謂唐以并盛德明堂不分爲二遷廟

舞廟亦合爲一此說是也自宋以後分竄篇第於是
有複出之本有四十篇之說晁昭惠云今書四十篇中有
兩七十四陳振孫云七十二複出一篇實存四十篇熊
朋來吳幼清皆云七十三有二總四十篇所見本各不
同小戴四十九篇鄭漁仲謂卽后倉曲臺記誤毛大可
謂儀禮是戴記四十九篇不是戴記夏謬凡近儒之說有待疏證者
有應駁正者皆別案弄若其說本明卽順文引入案中
以作斷語不復別其說于弄爲省文也其說之謬誤無
待詳辨亦于注中略附一二若師友之言盡入案中祇錄其是有非不辨

王充云高祖詔叔孫通制佗儀品十六篇何在而復定
儀禮見在十六篇秦火之餘也以周案儀品卽漢儀班

固所上叔孫通漢儀止有十二篇見曹竅傳云十六篇
者蓋涉下文而誤其所定儀禮十六篇本謂之禮記張
揖上廣雅表曰周公制禮箸爾雅一篇爰暨帝劉魯人
叔孫通撰置禮記文不達古謂通輯禮記置爾雅亏其
中也王懷祖不知通有輯記事遂以漢儀當之如其說
撰置置字義既無著且與上下文氣全不相貫
大戴記亦有爾雅權輿于此故白虎通三綱篇孟子帝
館甥趙注引釋親並稱禮記公羊宣十二季傳注引禮
乃釋水文風俗通聲音篇引禮樂記乃釋樂文是則通
所輯禮十六篇中有爾雅與禮經之十七篇迥異後人
併禮經為儀禮要不尋援此為據

漢儒林傳云后倉說禮數萬言號曰后氏曲臺記授沛
聞人通漢子方梁戴德延君戴聖次君沛慶普孝公由
是禮有大戴小戴慶氏之學六藝論云戴德傳禮八十
五篇戴聖傳禮四十九篇慶氏所傳禮各書並未詳其
篇目以周案後漢儒林傳曰曹充習慶氏學傳其子爽
遂撰漢禮曹爽傳曰父充持慶氏禮建武中爲博士作
章句辯難云是有慶氏學爽拜博士作通義十二篇演
經襍論百二十篇又傳禮記四十九篇慶氏學遂行云
世則慶氏所傳禮與小戴同

鄭元云論語雅言詩書執禮讀先王典法必正言其音

然後義全故不可有所諱也禮不誦故言執朱熹云雅
常也執守也獨言執者以人所執守而言非徒誦說而
已也以周案記有讀器禮讀祭禮讀樂章之文禮非不
誦也朱子謂非徒誦說而已較爲可通然揆諸文義終
嫌不類執猶掌也執禮猶後人所謂掌故是也文王世
子篇秋學禮執禮者詔之冬讀書典書者詔之執禮與
典書同執禮者爲掌故之人則執禮猶云掌故也周官
禮經爲周人掌故之書詩書執禮猶云詩書周官禮也
春秋之時踵事增藝象數滋生其奇妄倣詭而不守正
者已多故夫子正言其失無所隱諱斥流失明故實不

于議禮之條雅言當依古注訓正言孔子正言其失如緇冠有綏朝服以縞之類是曾子問篇尤詳

蔡邕云策者簡也其制長二尺短者半之其次一長一短兩編賈公彥云鄭伯論語序云易書詩禮樂春秋策皆尺二寸孝經謙半之論語八寸策者三分尺一又謙焉是其策之長短鄭注尚書三十字一簡之文服虔注左氏云古文篆書一簡八字是一簡容字多少孔穎達云鄭元論語序以鉤命決云春秋二尺四寸書之孝經一尺二寸書之故知六經之策皆長二尺四寸蔡邕言二尺者謂漢世天子策制所用與六經異也以周案孔

賈二疏皆引鄭君論語敘其言簡策長短不容有異賈
疏云易書詩禮樂春秋策皆尺二寸當依孔疏作二尺
四寸以論語八寸策者三分尺一推之自見漢藝文志
曰劉向以中古文校歐陽大小夏侯三家經率簡二十
五字脫亦二十五字簡二十二字脫亦二十二字與鄭
注三十字異者蓋古文篆書體有繇簡繇者宜疏簡者
可密故字有不同說文曰冊符命也諸侯進受弓王也
象其札一長一短中有二編之形褚少孫曰其冊一長
一短皆有意義鄭注尚書云三十字蓋據其簡之長者
爲言服云古文篆書一簡八字單疏本作一簡八分字

要義引同今毛本誤脫分字六經之策二尺四寸以一
簡三十字分之則每字尋八分也此皆據古尺爲言束
皙穆天子傳敘曰以毒所攷定古尺度其簡二尺四寸
可證蔡說策二尺者以漢尺言南史王僧虔傳曰盜發
楚王冢獲竹簡十餘廣數分長二尺僧虔曰是科斗書
攷工記周官所闕文也與蔡說合蔡說本據漢律令以
古尺言亦用二尺四寸見鹽鐵論及後漢曹爽傳或曰
三尺律本漢杜周傳 又案竹謂之簡木謂之札聯之
爲編編之爲冊冊有長短獨斷云短半之據六經之冊
言書疏引顧氏說策長二尺四寸簡長一尺二寸一尺

三
二寸卽短半之之說若孝經論語之冊短亦半之恐不
其然蓋孝經尺二寸之冊卽用六經之短論語八寸之
冊卽用孝經之短則六經之短者半之孝經之短者三
分去一也論語之短者未間論衡正說篇云論語數十
百篇以八寸爲策亦不及其短豈論語無短策與

鄭元云唐虞有三禮至周分爲五以周案堯典三禮以
天地人言其實唐虞已分五禮書曰天敘有典敕我五
典五情哉天秩有禮自我五禮有庸哉類帝假祖吉禮
也如器考妣過密八音凶禮也五載一巡羣后四朝賓
禮也分背三苗釐降嬪虞軍嘉禮也夫禮秩自天出云

性之身可已雁有行列蟻知君臣鳥獸蚍蜉不教而成
人之有禮豈非性哉記曰禮本亏大一分而爲天地轉
而爲陰陽其降曰命其官於天也降謂賦畀官謂職掌
傳曰民受天地之中以生以定命也所謂其降曰命也
又曰是以有動化禮義威儀之則能者養以之福也今
本誤不能者敗以取禍所謂其官亏天也禮官亏天故
曰天秩有禮二帝三王無異教也荀子外禮以言性不
知性者也老子離道德仁義以言禮不知禮者也

皇侃說禮有三起禮理起亏大一禮事起亏遂皇禮名
起亏黃帝禮運曰後聖有作然後修火之利以事鬼神

上帝謂遂皇孔穎達云禮運禮始乎飲食燔黍捭豚簠
桴土鼓又明堂位云土鼓篲箛伊耆氏之樂又郊特牲
云伊耆氏始爲蠡蠡卽田祭與種穀相協土鼓篲箛又
與簠桴土鼓相當故熊氏云伊耆氏卽神農也旣云始
諸飲食致敬鬼神則祭祀吉禮起乎神農也又史記云
黃帝與蚩尤戰于涿鹿則有軍禮也易繫辭黃帝九事
章云古者葬諸中野則有凶禮也又論語撰考云軒知
地利九牧倡教旣有九州之牧當有朝聘是賓禮也若
然自伏羲以後至黃帝吉凶賓軍嘉五禮始具皇氏云
禮事起于遂皇其義乖也遂皇在伏羲之前禮運燔黍

揖豚在伏羲之後何尋以祭祀在遂皇之時以周案書
缺有閒五禮之起難言之矣

受業慈谿馮一梅初校
子家辰復校

丹陽

孔景泰
洪竹亭

繕刻

宮室通故一

禮書通故弟二

定海黃以周述

易繫辭傳云上古穴居而野處後世聖人易之以宮室上棟下宇以待風雨蓋取諸大壯虞翻云後世聖人謂黃帝也以周案此傳承上神農氏沒黃帝堯舜氏化言之上古謂羲農以毒後世聖人謂黃帝虞注是也或據淮南子主術訓神農以時嘗禋祀于明堂以爲宮室起于神農與傳未合白虎通義以伏羲神農燧人爲三皇又以皇之世巖居穴處衣皮毛飲泉液風俗通義引書大傳云黃帝始制冠冕衣裳上棟下宇以避風雨皆

謂宮室起于黃帝

鄭元云天子宗廟路寢制如明堂以周案逸周書作雒解乃位五宮大廟宗宮考宮路寢明堂咸有四阿反坫重亢重卽此卽鄭注所本但作雒解亦言大略爾非盡同也明堂祀五帝中室宜四達無壁宗廟一廟一主似無取四達之義爾雅室有東西廂曰廟則東西有壁可知觀禮天子設斧依于戶牖之間觀受于廟中太室東戶西牖非兩夾是宗廟與明堂有別也路寢有東西房見書顧命詩王風及禮器大記與明堂不同要顧申鄭者謂器大記言房中是諸侯禮文王遷豐鎬止作靈臺

辟雍其路寢亦仍諸侯之制成王崩在西都故有左右房康王以後所營依天子制度宣王時路寢制如明堂故斯干曰西南其戶至平王微弱路寢不復如明堂故王風曰右招我由房說殊迂曲未敢信

伏生大傳云天子堂廣九雉三分其廣以其二爲內五分其內以其一爲高東房西房北堂各三雉公侯七雉東房西房北堂各二雉子男五雉東房西房北堂各一雉鄭元云雉長三丈內堂東西序之內也以周案夏之世室堂脩二七謂中室之南北各有七步廣四脩一謂又廣其東西四分脩之一計脩十四步廣十七步半周

人度以筵用殷人重屋四阿之制以爲明堂用夏屋堂
脩二七之制以爲寢廟寢廟度以筵筵九尺堂脩二七
其深二九屋較明堂爲卑而大過之故鄭注檀弓云夏
屋旁卑而大伏生書傳云天子之堂廣九雉鄭注云雉
三丈此皆寢大明堂之證賈疏考工記明堂丈尺依據
匠人文而王寢之大引用書傳云王寢與明堂同制者
直制法同無妨大也亦謂寢大于明堂後人言寢廟之
制偏據匠人則禮必窒礙有難通行或者知寢廟之宜
大又欲強解匠人之文以就寢廟胥失之矣賈疏引書
傳云周人路寢南北七雉東西九雉室居二雉與孔疏

所引書傳互有詳略合而讀之天子路寢之制明卽天子諸侯之廟制亦明其制仿夏世室爲之室居中央云居二筵者謂室之脩也云三分其廣以其二爲內者謂室之廣也內指室言非兩序內古書之稱室爲內者多矣鄭注失之云東房西房北堂各三雉者東西房卽世室北面之隅室北堂居兩房之間卽世室之北堂也凡禮經所言室在北楹者皆小惟天子諸侯廟制室居中央可大爲之故稱太室書曰王入太室祿春秋曰太室屋壞皆廟室之在中獨大者也後別有圖說明之矣惟所言九雉七雉云制過大說詳下 又案書顧命延入

翼室恆宅宗僞孔傳以翼室爲路寢之別名非也翼室者伏傳所謂北堂是也以南堂言之謂之北堂以太室言之謂之翼室異名同地天子路寢以太室爲最尊北堂之翼室次之予貢觀于魯廟有北堂九蓋其尊可知也時尸在太室斂殯在南堂故以北堂爲恆宅尊之也故曰宗王西莊以下文陳設几席有西夾不見東夾謂翼室卽東夾但夾之稱室起於周秦閒古經無是名不若北堂爲正寢之室其名自古且癸酉陳設爲成王既殯之明日時康王倚廬中門外并不在翼室何昇牽說爾雅室有東西箱曰廟無東西箱有室曰寢郭璞云箱

夾室肅堂有室但有太室賈公彥說此謂五廟之寢祭
在廟薦在寢故立之以周案天子諸侯廟寢當依伏生
書傳所言諸侯以天子燕寢爲其路寢大夫士又以諸
侯路寢爲其廟寢廟與正寢無甚區別所異者一有東
西箱一無東西箱也故爾雅特著之箱卽牆見鄉飲酒
禮疏東西箱爲東堂東西堂西之牆說文箱大車牝服
也鄭注攷工記釋牝服爲較較在車之兩旁猶箱爲堂
之外牆也郭注箱訓堂失之廟之祧主藏于夾室故夾
室之肅不可無東西牆無東西箱有室曰寢室亦謂夾
室郭注兩室異解亦失之不云室無東西箱者明室自

有牆也夾室有牆其堂無牆凡寢皆然記言天子設食
閣亏夾南謂之左達右達是天子燕寢亦東西堂洞達
無牆也若并夾室而無之謂之榭故下文卽繼以無室
曰榭杜注宣十六季左傳宣榭火引爾雅文云無室曰
榭謂屋歇甬屋歇甬者謂自兩夾以甬皆無牆也

馬宮云夏后氏益其堂之廣百四十四尺周人明堂以
爲兩序閒大夏后氏七十二尺以周案明堂無兩序閒
漢馬宮所說實路寢制古路寢亦名明堂馬氏遂混之
爾以百四十四尺爲兩序閒又於兩序外益七十二尺
卽伏傳所謂三分其廣以其二爲內也其丈尺之數未

闔百四十四尺似據夏后氏世室堂脩二七廣四脩一之文序閒二七十四丈廣又益之四尺序外又大七十七尺合之爲二百十六尺亏九筵之數不合與伏說亦異近之申伏傳者以爲庭三堂之深天子侯道百二十步計長七十二丈參分其庭一如堂深尋二十四丈伏傳南北七雉三七二十一丈不尋爲過竊謂天子諸侯路寢之燕不必射燕而有射亦必行之于射宮鄭注云君國中射則皮樹中謂燕射也于郊則闔中謂大射也是則燕射大射本不行于路寢庭何尋以之定路寢之脩也或又據伏傳以定廟制以爲廟之廣有二十七丈

攷古者七廟東西竝列

孫毓之說不足據

王宮治朝之東止有

三百步之地一廟之廣尋四十五步七乘之尋三百十五步又加以堂下餘地及牆巷之數其何以容則堂廣九雉之說尤難依據矣且五架之屋自天子達五架止有四椽如室有二十四丈之深每椽六丈又加峻勢四之一用此細而長之木以爲椽上承甃瓦勢必中折其廣二十七丈恐棟楣等材未易尋如此之長者卽或有之上加甃椽勢亦易撓今定天子廟寢脩十四筵十二丈六尺廣十八筵十六丈二尺太室居中廣依伏傳三分之二爲內準之爲十丈八尺脩居四分之一爲三丈

二尺半天子禘祫之祭行于室中羣廟之主數十俎豆之屬數百若依舊說室廣二丈弱深一丈五尺強不足以容之矣諸侯以下據伏傳各殺以兩則大夫之寢脩十筵九丈廣十四筵十二丈六尺堂之脩六丈七尺半廣八丈四尺室之脩二丈二尺半廣亦當如堂少牢饋食禮室中西南隅東向設神席自西而東設俎豆凡五行席廣三尺三寸有奇豆俎之廣尺二寸五行中間各有空處約其一丈餘佐食拜獻亏其俎經曰牖東北面拜則神席俎設饌處正當牖牖東者近於牖凡曰戶西近於戶曰牖東近於牖猶未及室之中其地約二丈餘則室之廣可想

而見其脩二丈二尺神席長八尺其北餘丈四可容尸
拜室北近墉南面設獻祝席再設一俎兩豆并席約七
尺其南餘一丈五尺亦可容主人獻及佐食拜士之寢
又殿以兩脩八筵七丈二尺廣十二筵十丈有八尺堂
之脩五丈四尺廣七丈二尺室之脩丈有八尺故士昏
禮婦饋於奧舅設舅姑兩席席長八尺室亦廣如堂故
士禋禮於尸牀含牀之東北舅設陳禭之牀若依舊說
不足以容之矣儒行環堵之室正方一丈論衡貧人之
宅以一丈之地爲內徒四壁立皆庶人之制近人嫌舊
圖之隘難以行禮欲斥大之乃從伏傳以爲準又以侯

步申之堂脩二十四丈無以施椽其廣二十七丈難以
求棟金氏禮說減之爲天子堂廣二十四丈脩一十八
丈自知椽之難施而云天子當有九架又知棟之難求
而云兩楹東西各有八楹鍾虺紕繆未足爲訓

韓詩說殷商屋而夏門傳曰周夏屋而商門崔凱云禮
人君宮室之制爲殷屋四夏也卿大夫爲夏屋隔半以
北爲正室中半以南爲堂以周案殷屋卽商屋殷商古
多通用四夏卽古人所謂四阿後人謂之四下其兩下
者謂之夏屋殷人重屋四阿夏兩下屋舊說所云義固
然矣然屋之名商夏亦有取義說文商从內口章省聲

今本作
从尙誤

本有納明之義故籀文从二日化竊商屋者屋
之四下而高明者也詩夏屋渠渠言其大禮覆夏屋言
其卑夏屋者屋之兩下大而卑者也殷商屋而夏門其
屋高而小門卑而大也周夏屋而商門其屋大而卑門
小而高也門必取數于正堂乃鄭學一家言與韓詩家
自異殷之門不可攷周之路寢用夏屋顧命之文可據
依伏傳天子堂廣九雉三分其廣以其二爲內五分其
內以其一爲高推之則路寢之高三丈六尺若依明堂
月令說明堂高三丈路寢較卑夏不及三丈而匠人言
門阿之制則云五雉是屋卑門高之證詩縣篇俾立室

家不言其高廟曰翼翼兮門一則曰有伉再則曰將將亦門高兮寢之證左傳襄二十八年秋嘗亏太公廟子尾抽廟桷擊扉慶舍援廟桷動甍又諸侯廟宇之卑之證崔氏以商屋夏屋之異為人君卿大夫尊卑之塋其說本鄭非韓詩意隔半以北爲正室謂隔後半一架爲室中半以南爲堂堂至棟而止也室以南堂以北曰戶牖閒後人亏室外三架通謂之堂誤

鄭元云鄉射禮序則物當棟堂則物當楹是制五架之屋正中曰棟次曰楹再曰殿賈公彥云凡廟寢皆五架洪頤煊云鄭注專釋射宮非謂廟寢之制皆五架也天

子大廟當七架每架九尺室內二架室外南至楹內四架爲堂金鶚云天子諸侯堂深當各爲九架天子每架二丈諸侯一丈八尺弱方易構接以周案五架者據柱之直上架棟楣而言柱間越人謂之博亦謂之椽博言其柱間之廣椽謂自棟至楣同一椽也古屋開博廣而椽長椽長易折故棟楣間別有橫木承椽下施梲而駕於梁然於承棟楣之柱則不增也架止有五上下同制李如圭云古者築室以垣墉爲基而屋其上惟堂有兩楹而已焦循云釋名楹亭也亭亭然孤立旁無所依也然則無所依者謂之楹堂屋之柱多依牆壁而立非兩

楹之外別無柱也以周案房室亦有柱亦不獨堂

劉熙云楹亭也亭亭然孤立旁無所倚也孔晁云寢有旅楹旅別也金鶚云天子諸侯堂廣當兩楹之處東西各有八柱并兩楹合尋十八柱逸周書孔晁注旅列也可知不止兩楹矣大夫士堂不廣則兩楹以周案近之攷寢廟者皆樂言古屋之大而於五架之難施兩楹之難通獨未遑及金氏知之因謂天子屋九架十八楹語又不經楹之義以釋名爲正凡堂之柱皆有所依左右偏之柱依亏序楹北之柱依亏室惟南面兩楹孤立孔晁訓旅爲別亦謂兩楹竝立亏堂如殿下亦有楹何禮

經詳敘儀節一無見文亏此知說古屋有二十餘丈之

廣者皆非也今定天子堂廣十八筵計十六丈二尺以

今尺較之尋十丈有一尺二寸半據江慎脩說古尺較今尺尋六寸二分半

為棟楣庑之長木長而易撓故又亏中間設采廂以承

之謂之梁梁在棟之中間近人有設梁于棟之兩端又於梁中設柱大謬堂脩十四筵

計十二丈六尺以今尺較之尋七丈八尺七寸半為梁

之脩堂有二梁梁值庑後楣下設大柱其南柱即兩楹

今人謂之四經柱梁之值棟楣處其上皆有稅而庑即

架於梁之兩端燕柱以承之故謂之殿是以堂之中間

祇有兩楹無四楹孔子夢坐奠於兩楹閒而曰明王不

興是王者亦祇兩楹也

鄭元云葢屋三分瓦屋四分各分其脩以其一為峻賈公彥云葢屋謂草屋草屋宜峻于瓦屋脩謂東西為屋則三分南北之間尺數取一以為峻假令南北丈二尺草屋三分取四尺為峻瓦屋四分取三尺為峻也以周案凡屋之峻以每架之脩短為準非取全堂南北之間尺數賈疏非也脩謂每架之深假令南北七筵之瓦屋分為五架每架之間昇脩一丈五尺七寸半四分其脩以其一為峻則楣高于殿棟高于楣各昇四尺弱三三三九若天子正寢南北各七筵分為五架每架之間昇脩三

丈一尺半四分其脩以其一爲峻則檐高于楹棟高于
檐各尋八尺弱

七八

記文上下言縮版壁涂此爲築東

西牆及布棟殿瓦之法也知四分爲四分之者以下
文逆牆六分爲六分之一決之也 又案異義引明堂

月令云明堂高三丈蔡邕說同伏生書傳以爲天子堂
廣九雉脩七雉三分其廣以二爲內五分其內以一爲
高則高三丈六尺也竊謂路寢用夏屋制當卑亏明堂
鄭注檀弓云夏屋旁卑而大其高二丈六尺與以二丈
六尺之高太峻丈五尺七寸強則宇之高一丈也故齊
晉于大公之廟于尾鼻抽其桷以擊扉慶舍尋援其桷

而動輒

禮家舊說寢廟皆五架後檐以北爲室南爲堂孔廣森云士器禮注中以南謂之堂崔凱說卿大夫夏屋隔半以北爲正室中半以南爲堂然則棟以南至后殿爲堂棟以北至後殿爲室宋人說後檐以北爲室非是以周案器禮注東西牆謂之序中以南謂之堂中猶半也鄭注書顧命云序內半以后曰堂與此注同又注禮經當阿爲當棟當棟入堂後是鄭明以棟以南爲堂也但中棟以北後檐以南謂之戶牖閒初不名室崔氏隔半中半語別孔氏誤解崔語遂傳會鄭注失之賈疏云棟北

一檐下有室戶是後檐北爲室其說非始自宋人

爾雅西北隅謂之屋漏鄭元云屋小帳也漏隱也禮祭
亏與旣畢改饌亏西北隅而扉隱之處孫炎云屋漏者
當室之白日光所漏入以周案西北隅謂之屋漏西北
隅之隱闕處謂之扉屋漏言其明扉者隱也鄭箋屋漏
扉不分失之屋如宇爾雅奧突言其幽屋漏宦言其明
屋漏漏光所入宦戶光所入

韃爲舍人云古者撤屋西北扉以炊浴故謂之屋漏劉
熙云禮親歿取屋之西北隅薪以爨竈煮沐時若值雨
則漏遂以名之以周案器大記云甸人取所撤廟之西

北扉薪用爨之此爲凶器變禮不可以此說常制諸說誤

禮家舊說屋漏之屋讀同幄儀禮謂之席漏卽扉士虞禮設亏西北隅凡在南扉用席言陽厭事扉隱也亏扉隱之處從其幽闇金鶚說室西北隅有向向北出牖也日光自牖中漏入謂之屋漏所謂當室之白是謂陽厭明者曰陽當室之白而以陽偶何尋以爲隱闇之處此扉字當從少牢古文化第訓爲藉以周案陽厭對陰厭言爲當室之白其實在西北隅扉隱處當室之白爲屋漏其扉爲隱處渾言通析言自別正寢無向金說誤

鄭元云中雷猶中室也古者複穴是以名室為雷劉熙
云中央曰中雷古者竇穴後室之句雷當今之棟下直
室之中古者雷下之處也孔穎達云鄭意中雷猶中室
乃是開牖象中雷之取明則其地不當棟而在室之中
央故器禮云浴于中雷飯于牖下明中雷不關牖下也
以周案中室開窗納明以象古雷謂之中雷說文所謂
在牆曰牖在屋曰窗此也窗字上从穴取竇穴之義下
从囟象其形古寢堂甚渙而室不至于闕者以此天子
諸侯廟制大室居中中雷當今之棟北劉熙說是大夫
士廟制室居後楹本無所謂中雷也故天子諸侯有中

雷之祀大夫以下不祀而時人慮室之闕其諸亦爲之與浴于中雷飯于牖下禮坊記文室中雷居底楣之間牖下當楣太室中雷在棟北牖下當棟與器禮每加以遠之義皆合孔疏未是

尙書家說天子諸侯有左右房士有室無房

伏禮家說

大夫士東房西室而無西房孔穎達云士器禮小斂婦入髻亏室以男子搢髮在房故婦人髻亏室大夫士惟有東房故也器大記兼明諸侯之禮有東西房男子既搢髮亏東房故婦人髻帶麻亏西房也鄉飲酒義云尊於房戶之間賓主共之由無西房故以房戶之間爲中

也大夫士直不言東西明是房無所對故也

參用
記疏陳祥

道云大夫士亦東西房鄉飲記薦脯醢出自左房鄉射記
薦脯醢出自東房與大射禮薦脯醢由左房相類言左
以有右言東以有西則大夫之房室與天子諸侯同可
知李如圭云聘禮賓館亏大夫士君使卿還玉亏館賓
亦退負右房則大夫亦有右房矣萬斯大云大夫士若
無西房則賓坐西北已逼西序不容眾賓之席矣古吉
凶諸禮多行亏戶牖間以其為堂之正中也若無西房
則戶牖之背乃堂之西偏豈有行大禮不在正中而在
偏者哉江永云自燕大射外房戶之間是設尊之常

非必謂此處為中賓主共之也孔廣森云饋食禮每言東房又言左房東以對西左以對右知以廟無兩房者非士昏及器虞禮言房言房中者衆見皆不指東西左右知以寢有兩房者亦非是則大夫士之廟乃有兩房其寢固東房西室以降亏君而飲射在學與廟制同以周案特牲饋食士禮有東房之文聘禮卿館亏大夫大夫館亏士鄭注云館亏廟經亦有右房之文右房者西房也是大夫士之廟有兩房之證

鄭元云斯干築室百堵謂築燕寢也天子之寢有左右房宗廟及路寢制如明堂孔穎達云天子之燕寢卽諸

侯之路寢故有左右房大夫以下無西房胡培翬云鄭義天子路寢如明堂為五室之制燕寢為左右房之制但唯云天子燕寢有左右房則諸侯以下之燕寢止一房矣鄭箋解天子燕寢之室戶與路寢異孔正義不分別正寢燕寢故後儒起而攻之不遺餘力不知正寢之制為左右房諸侯至士所不殊燕寢之制唯天子有左右房諸侯以下東房西室漢鼂錯傳言居民之法家有一堂二內此亦可證東房西室之制至漢猶有存者鄭氏之說終有所受必非憑臆釋經特其注禮時以解正寢尙是未定之論不及追改爾以周案禮經所說多是

正寢鄭注每以東房西室為說非也惟士之正寢以昏
器兩禮攷之鄭說無西房似為有據凡尊設亏房戶閒
或設亏東楹西士昏亏正寢其設尊在房戶之東為無
西房也器大記主人搢髮亏東房婦人髻帶麻亏西房
而士器禮婦人髻亏室為無西房也器大記君稱言視
祝而踊祝相君之禮須相鄉立士器禮君升自阼階西
鄉祝負墉南面時立亏房戶東

戶各本作中誤
茲依胡氏校正鄉君為

無西房也胡氏謂士之正寢有東西房似失察

鄭元云士昏禮記洗在北堂直室東隅北堂房中半以
北賈公彥云房與室相連為之房無北壁故尋北堂之

名以周案東房北向與西房異故亦謂之北堂直室東
隅明洗在北堂之西偏也北堂卽東房故士虞禮云主
婦洗足齋于房中東房北堂析言異渾言自通焦氏宮
室圖北堂在室北旁連兩房殊屬杜撰洪筠軒說西房
亦有北堂亦謬如北堂果有二經當以東西別之

胡培翬云士昏禮期初昏陳鼎寢門外注寢壻之室也
則爲寢寢明矣主人入親說婦之纓注入者從房還入
室也據此則房與室有戶以相通而室之南無戶審矣
廟之制如正寢有左右房房與室皆向堂開戶而不相
通故特牲禮曰主婦出反亏房出室必云反亏房知經

但云主人出主人入無出房入房之文爲室與房相通明矣以周案胡說東房西室之制房與室有戶以相通近是云室無南戶寢非正寢皆誤昏禮所言多女家事期昏以下乃及壻家故鄭明之曰寢壻之室非謂寢凡禮經稱戶皆是室戶房戶則言房以別之如此經尊亏房戶之東是也餘言戶皆室戶不尋謂無南戶

詩毛傳云西南其戶西鄉戶南鄉戶也鄭箋云天子之寢有左右房西其戶者異于一房者之室戶也又南其戶者宗廟及路寢制如明堂每室四戶是室一南戶爾焦循云路寢大室之西則西鄉戶大室之南則南鄉戶

不言東北者文不具也以周案此經無確解當攷

釋宮牖戶之間謂之扃鄭元云斧依爲斧文屏風于戶
牖間孔穎達云斧者屏風之名扃則戶牖之間地也
崇義云舊圖依從廣八尺畫斧無柄設而不用之義邵
晉涵云鄭屢以屏風況依者據漢制言之釋名云扃倚
也在後所依倚也屏風言可以屏障風也扃卽屏風斧
扃特畫斧文于屏風耳以周案斧扃之義當從邵說孔
氏詩疏以斧爲屏風名誤魏書李謚明堂制度論引鄭
康成三禮圖云扃從廣八尺畫斧文于其上今之屏風
也品引舊圖本此云無柄者古人繡斧皆不作柄斧謂

之黼黻之黼繡兩斧亦無柄與黻作亞形相配士亦有戣見士虞禮記特無斧曰畫斧者惟天子

洪頤煊云室南面牖西而戶東各居其中舊圖牖居中戶居東偏或戶牖各居東西偏皆誤以周案伏生書傳三分其廣以其二為內室與堂同廣尋三分之二牖居室楹之西戶居室楹之東各尋三分之一戶牖間亦尋三分之一舊圖固誤孔安軒張皋文洪筠軒所繪圖亦未是鄭注特性饋會禮云東房房中之東當夾北據士禮東房西室言之非通制也安軒皋文誤以為東西房之通制因謂房廣于夾洪氏沿之又謂自堂上望之房

廣二筵其實有夾北一筵曲說滋起

儀禮通解云房戶宜在南壁東西之中一說房戶近東孔廣森說東房戶必近西西房戶必近東洪頤煊說房有兩戶一戶通夾一戶通堂以周案洪說杜撰宜從孔說

禮家舊說兩序在房戶外之東西序內入序稍淡以周案序之廣如室淡當棟其南謂之序端其北謂之序內鄭注公會大夫禮公立亏序內云示親饌時設饌戶外與序北近故云示親饌如舊說序內爲負序與饌已遠且贊者亦不昇負東房南面告具云公序內之名與楹

內碑內同楹內在楹北碑內在碑北序內當在序北如舊說東西序直抵房外則房無以通堂乃大之與室等又不顧室隘無以行禮而庶子冠亏房戶外與適子筵東序少北謂之冠亏陀夏何從區別耶

鄭元云中堂南北之中也賈公彥云聘禮受玉亏中堂與東楹之間謂當楣北面拜訖乃夏南北侵半架亏南北之中亏兩楹之間夏侵東半闔李如圭云受玉亏中堂東楹二者之間中堂侵近東楹非堂東西之中以周案序以北曰戶牖闔曰戶東戶西曰房戶闔曰序內禮經皆不謂之堂序當棟自棟以南至殿乃有堂名堂正

值兩楹之間經曰楹閒明東西之節曰中堂明南北之節中堂與楹閒相值聘禮受玉在中堂之東東楹之西故曰亏中堂與東楹之間以歸饗餼問卿受幣堂中西例之亦可曰堂中東凡賓主人行禮皆在兩楹閒賓敬主君則趨就中堂東卿敬聘君之命則趨就中堂西公行聘時位在東楹東與賓相鄉其授玉何必亏兩楹閒夏侵東半閒凡曰之間皆東西相對未有以衰言者

賈公彥云序東有夾室李如圭云序之外謂之夾室以周案序以介東西堂非以介東西夾夾無序東之名其近序處燕禮公會禮謂之序內與士冠禮謂之序少北

昇

鄭元云公會禮贊者負東房南面告具亏公負東房負房戶而立也南面者欲尋鄉公與賓也敖繼公云負東房負其墉也士器禮曰祝負墉南面此其上贊之正位與以周案時公立序內故贊者負東房鄉君負東房立房外也不必定當房戶鄭注欲尋兼鄉賓故以房戶釋之敖說負東墉誤由序內之地不明也士冠禮庶子冠亏房外南面士昏禮姑卽席亏房外南面亦負東房南面又士昏禮尊亏房戶之東有司徹以齎授婦贊者亏房東注以爲房戶外之東如舊說序牆直侵房戶則房

外無可負立之地房戶東夏無設尊之處因謂房戶東
卽尊東其實尊東曰房戶閒曰房戶外無房外房戶東
之名房外者房之外負東房者就房外而立卽所謂房
戶東其地退亏夾北夾北者夾之北皆是

禮家舊說堂上兩楹在甬楹之下焦循云楹在棟與楹
之間以周案鄉射禮曰射自楹閒謂射于庠也又曰序
則物當棟堂則物當楹堂謂庠堂物爲射者所立之處
庠物當楹而云射自楹閒是楹處楹下之明證也又曰
豫則鉤楹內堂則由楹外謂庠物當楹外者由楹外北
面就物與序之鉤楹內異也焦氏據由楹外之文以爲

櫨在楹南之證謬矣聘禮賓升西楹西東面注云與主君相鄉下文云公當櫨再拜是亦楹在櫨下之證如焦氏說是賓進于君矣無此禮也

焦循說東楹之東西楹之西自階至房戶之甬通可謂之階上夔禮小臣設公席亏阼階上西鄉而其下又云樂正由楹內東楹之東告亏公此爲自階至房戶甬皆名階上之證以周案樂正在西階工席之西東詣公位不昇越工席故必自楹內且公席亦在楹內也楹內有階上之名故士冠禮筵冠者亏東序少北冠義謂之冠亏阼但適子冠阼而庶子冠房戶甬不名阼士昏禮席

舅亏陀席姑亏房外亦分別言之焦氏并房戶并通謂之階上失其義矣

鄭元云阿棟也士昏禮賓當阿致命入堂漢示親親今文阿爲廡沈彤云中脊爲棟南爲楣楣并接簷爲廡當阿者當廡也攷工記門阿之制宮隅城隅之制阿與隅兼舉知以邊對角言之也阿之言倚屋宇倚焉廡之言閣屋宇閣焉阿今文作廡名異實同以周案阿者曲而隆起之名士昏禮當阿致命謂在西楹之內當梁之曲而隆起處致命其上值棟故鄭注卽以當棟釋之棟亦隆起之物也說詳昏禮門沈氏因今文阿作廡遂謂廡

有阿偁非也棟之阿高亏門角浮恩高亏宮攷工記門阿宮隅竝舉其高者立文鄭注自當

鄭元云東夾南東西節也取節亏夾明東亏堂賈公彥云東夾南夾室之南是東亏堂東夾北在北堂之南與夾室相當敖繼公說東夾北北堂下之東方也郝敬說夾室在庭之兩旁東西相向不屬亏堂自堂徂夾必降階故襍記釁廟禮畢乃降而釁夾室張惠言金鶚說東夾南在東堂下東夾北在北堂下以周案顧命西夾南嚮明非東西相嚮襍記饗人升屋剗羊血流亏旁乃降謂降屋非降階也郝說大謬敖氏謂東夾北在北堂下

三二
之東誤沿楊信齋圖夾在房外之說張氏金氏既依注
疏夾在房南而夾南夾北又參用敖氏亦非攷漢唐舊
說並無東夾南在堂下當東夾之文惟士器禮賈疏依
違經注乃云當序牆之東又當東夾之序非謂就堂上
東夾序此不足據李氏釋宮誤信此疏且改易其文張
金二氏遂沿譌而不察其違

鄭元云士器禮襲經云序東序東東夾序賈公彥云當
序牆之東又當東夾之序非謂就堂上東夾序也以周
案東西夾序曰序東曰序西此定名也西堂下亦曰序
西士器禮徹饌降自西階設云序西如設云堂是也東

堂下亦曰序東土器禮經帶饌亏東方在東堂下其饌
經亏序東亦當在東堂下鄭注以堂上夾序釋之誤賈
疏知鄭之失依違經注以爲堂下亦可偏東夾序李氏
釋宮張氏儀禮圖夾南之說遂由此誤敖氏以設亏序
西爲設亏西堂誤與鄭同經於降自西階下乃云設亏
序西又云如設亏堂則序西爲西堂下非西堂明矣
鄭元說房當夾北東西堂東西夾之序近南書某傳孔
穎達疏夾中央之太室謂之夾室房與夾室實同而名
異劉熙說夾室在堂兩頭故曰夾崔靈恩說房外有序
序外有夾室李如圭云東夾之北通爲房中西夾之北

通爲右房楊復說夾室在東房之東西房之西與房室並劉萬斯大胡培翬說序外分言之則再堂後室統言之皆夾也夾者夾輔中堂也以周案天子路寢東西九筵諸侯以下當殺天子如楊氏圖兩夾與房室並劉分作五間則中室迫陜無以行禮矣顧命西夾南嚮下又別言東西房東西堂公會大夫禮大夫立亏東夾南宰東夾北中亦別言東房是夾與房非同實亦非序外堂室之總名經傳中東西堂無夾名夾有室名而不謂之夾室夾室二字一見亏小戴禮記一見亏大戴禮廟與門連文盧注夾室門夾之室取確東西夾本偁夾對東

西堂言之亦稱室東西夾稱夾室始亏漢之注家東西
堂稱夾堂出亏近之俗儒經曰東夾西夾是其主名東
夾南夾之南近序東東夾北夾之北近房外鄭注特性
禮云東房房中之東當夾北云當夾北明非卽夾也釋
宮亦誤讀鄭注 又案兩夾在東西房之南東西堂之
北東夾之東西夾之西皆有牆其北亦有牆東夾之西
西夾之東竝無牆聘禮西夾六豆設亏西墉下西夾之
西有墉則東夾之東亦有墉矣又云六壺西上二以竝
東陳注云東陳在北墉下則兩夾之北皆有墉矣東夾
之西西夾之東公會禮謂之序內亦謂之序北序牆長

短以東西堂爲節故士器禮注云序東東夾序不云卽
夾明東夾之西無序牆也則西夾之東亦無牆矣舊說
兩夾皆有東西牆亦誤

禮家舊說兩夾在房南東西堂在夾南東堂東夾之東
西堂西夾之西皆樹以牆而夾與堂皆南鄉東堂下者
堂之東下西堂下者堂之西下近東西壁一說東西堂
下卽階東階西直序以外兩壁以內之閒焦循說兩夾
在序外兩堂在夾外東堂東鄉其下爲東堂下西堂西
鄉其下爲西堂下舊說東堂下西堂下爲堂之東西下
誤矣以周案室有東西牆曰廟無東西牆曰寢舊說有

牆與廟制合焦說無牆與寢制合其解東西堂下皆誤也禮云阼階東西階西通名堂下謂南面堂下也其東西之堂下曰東堂下西堂下猶云東方堂下西方堂下亦謂之堂東堂西亦謂之東方西方鄭注東西堂下訓爲堂之東西下義似迂曲其意欲以別堂之南下固是也後人又誤以東堂西堂連讀因東西堂南鄉遂以南下之階東階西當之亏經文多不可通焦氏說夾室制固誤其說東西堂下亦誤以東堂西堂連讀禮經所言多是廟制廟有東西牆則東西堂必南鄉而非東西鄉明矣

焦循說東西堂東西鄉其下卽東西堂下堂東卽阼階
東堂西卽西階西凌廷堪說東堂下卽阼階東西堂下
卽西階西堂東卽堂之東壁下堂西卽堂之西壁下以
周案東堂下卽堂東西堂下卽堂西大射儀賓之弓矢
皆止于西堂下又云賓降取弓矢于西堂西是其證焦凌
兩說胥失之矣凌氏又曰大射袒決遂在次鄉射無次
于堂西袒決遂取其隱蔽而已今以堂西爲西階西是
在顯處矣駁焦說是

士器禮饌于東堂下脯醢酒醴設盆盥于饌東有巾經
帶皆饌于東方西方盥如東方鄭元云如東方者亦用

盆巾饌亏西堂下凡在東西堂下者南齊帖賈公彥云
南與帖齊北陳之以周案東堂下卽東方南順齊于帖
謂堂下之陳以帖爲節非陳亏階上也徐健庵通攷圖
脯醢盆巾之屬皆在階上帖側誤

鄭元云西壁堂之西牆下舊說南北直屋枅陳祥道云
廟之左右有牆周之在西曰西壁在東曰東壁以周案
特牲禮主婦眡饌饌亏西堂下記曰饌饌在西壁則西
壁爲西堂下之牆非堂上南北直屋枅者鄭云西壁堂
之西牆下明經義也又引舊說存別義也賈疏誤會鄭
意以爲引舊說證成其義則注云堂之西牆可矣何以

云下乎注云西牆釋記西壁云堂之下本經西堂下爲
文蓋古人堂基高外有短垣衛之其高如坳西京賦所
謂設砌厓隰是也說文壁垣也馬注書垣墉云卑曰垣
渾言之壁牆墉廂通偶析言之在堂謂之序在房室謂
之墉在東西堂上謂之廂在東西堂下謂之壁其廟外
四周之垣謂之牆禮經用字分別甚嚴如士冠禮降自
西階適東壁鄉飲酒禮俎由東壁自西階升士虞禮饋
饔在東壁特牲禮饋饔在西壁皆據堂下言之士喪禮
曰爲塋于西牆下又曰眾主人辟于東壁南面分別言
之注云西牆中庭之西東壁南面則當坳之東亦分別

釋之陳氏以東牆當東壁與經顯違李氏釋宮江氏鄉黨圖攷洪氏宮室荅問皆沿陳謬

鄭元云冠禮降自西階適東壁見其母適東壁出闔門也時母在闔門之外陳祥道云廟之左右有牆以周之在西曰西壁特性記所謂饔飧在西壁是也在東曰東壁士虞禮所謂饔飧在東壁鄉飲酒禮鄉射記所謂俎由東壁及此適東壁是也以周案依鄭注饔飧在東壁謂廟之東堂下此適東壁謂寢之東堂下故云適東壁出闔門也知不在廟之東堂下者經無主婦入廟之文又禮婦人不下堂位在房中廟之東壁不尋有婦人位

也知非廟之周垣東牆者禮周垣謂之牆堂下謂之壁其傳謂異也冠子將入見母于寢降自西階卽由廟之西壁出闔門適寢之東壁爲時母不在廟中也下見姑姊曰入見鄭注入入寢門此見母不曰入下又曰送母又拜則其母在寢之東壁可知婦人自寢入廟由闔門闔門在廟之西牆寢之東牆舊圖多誤

坵有四一堂隅之坵一出尊之坵一康圭之坵一庀會之坵皇侃云反坵築土爲之形如土堆賈公彥說明堂位崇坵論語反坵在廟中儀禮言坵皆據堂上角爲名大射儀注云豐以承尊也此豐在宗廟或兩君燕亦謂

之坩致齋亏其上阮謚說坩以木爲之高八寸聶崇義說坩以承齋施亏燕射之禮則曰豐都斲一木爲之口圍微侈以周案坩案土爲之故亏文从土四坩皆同爾雅坩謂之坩坩爲毀垣是牆之隋而卑者坩則方而尤卑也坩非用木阮說失之反坩非大夫所有而大夫鄉射尋設豐則豐非反坩可知賈聶兩說尤悖

賈公彥云堂隅有坩以土爲之江永云堂之四隅卽爲坩非別有土爲之反坩以反齋崇坩以康圭乃是燒土爲之焦循云說文坩屏也堂角爲小屏謂之坩以周案鄭注士器禮云眾主人辟亏東壁南面則當坩之東又

注特性禮云爨竈近西壁南齊亏玷是玷卽因東西壁之隅別築土爲之諸說皆誤賈疏是

鄭元云反爵之玷在兩楹之間人君與鄰國有好會其獻醢之禮夏酌酌畢則各反爵亏其上孔穎達云玷築土爲之在兩楹間近南黃震說郊特性反玷與臺門相聯逸周書反玷與四阿相聯論語反玷與樹塞門相聯蓋如院司臺門內立土牆之例以周案禮飲畢反爵亏篚未間有尊亏玷者明堂位云反玷出尊謂出其尊而反之亏玷反之言出俗解反玷爲覆爵大謬玷以處尊舊解反玷爲反爵亦誤禮殺反爵不反尊禮盛爵與尊俱反於故處邦君之

好元后之饗其禮盛有反尊之事故設反坫尊在兩楹之間坫當設亏兩楹之南故鄭注明堂位云反坫當尊南若兩楹之間為賓主行禮之所不可以設坫鄭注間字似南字之誤行禮時尊在兩楹南之坫獻醑時設之亏兩楹間飲畢又反之亏故處爾東發說別一義

鄭元云反坫出尊當尊南也禮君尊亏兩楹之間金鶚云兩君燕飲宜尊亏房戶之間與東楹相當坫與尊同處明堂位反坫出尊天子之廟飾也天子反坫在尊南則諸侯反坫當在尊北以周案反坫本諸侯所有而魯兼用天子之崇坫故記者連類侈言之鄉射尊亏房戶

閒燕禮尊于東楹之西兩君之好其獻醢時尊于兩楹
閒與燕禮同飲畢則出其尊反于兩楹南之站反站出
尊崇站康圭出釋反康釋崇記者自明兩站名義如此
非有尊南尊北之分也金說殊誤其謂天子有二站堂
下站以反諸侯之爵夏鑿禮賓主共一尊見鄉飲酒義故無
二站其爵天子反于堂上之篚諸侯反于堂下之篚自
當有別

禮家說反站崇站並在兩楹閒崇站康圭康讀亢龍之
亢亢所受圭尊于上焉吳廷萼說觀禮侯氏入門右坐
尊圭尊之于站也崇站在門右金鶚說崇站在庭之東

以周案崇坫取康圭之義康之言大謂崇大之也記曰
康周公天子崇大其圭受而撫之亏坫曰崇坫非侯氏
所昇算也鄭注本明吳金諸說皆錯觀禮侯氏坐取圭
升王受之玉玉之者卽康圭之義亏以撫之亏崇坫

邵晉涵云朵廡謂之梁謂其大而居中也此爲堂上之
梁其甫橫列者爲檐梁縱而檐橫程瑤田云今之所謂
棟者極之橫材也所謂梁者枅之正材也爾雅棟謂之
桴桴謂之梁言屋之上覆者並非大木莊子云仰而視
其細枝則拳曲而不可以爲棟梁俯而視其大榱則軸
解而不可以爲棺槨棟梁之所用細枝也郝懿行云朵

說文云棟也釋名中央曰中雷則廟爲中央之名杗本棟名杗廟中央斯謂之梁以周案杗之言大木之大者謂之杗猶川之大者謂之沱也棟梁皆屋材之大者故棟謂之杗而梁亦有杗名梁如橋梁毛詩傳雷曲梁也廟與雷聲相近屋之大梁曲而如雷故名杗廟班固西都賦抗應龍之虹梁李注形似龍而曲如虹是也郝說非程說要謬莊子細枝對大杗言謂其本大末細無用之材非謂棟梁用細枝也棟梁大木見考傳記甚多爾雅楹謂之梁楹一作楹許慎云楹門樞之橫梁楹齊謂之楹楚謂之杗鄭元云楹亦梁也書高宗諒闇諒古

作梁楣謂之梁闇謂廬也廬有梁者所謂柱楣也以周
案爾雅采廬謂之梁爲承棟之正梁此云楣謂之梁楣
謂門楣梁是門梁鄭注鄉飲酒公會大夫禮並云楣謂
之梁以門楣釋棟楣誤而所見爾雅作楣謂之梁書高
宗梁闇卽柱楣鄭注自確旣虞柱其楣而啟戶有同楣
梁之義爾雅楣梁與閫闌樞楔竝列是梁屬于門謂東
西堂之門梁觀下樞達北方謂之落時自知寢之東西
堂無牆而加楣梁以爲門其門之梁亦以持楣故楣與
楣皆有梁偶

爾雅楣謂之梁樞謂之楔樞達北方謂之落時落時謂

之卮郭璞云梁門戶上橫梁門持樞者或達北櫪以爲固也玉篇云落時謂之𠂔𠂔牀已切砌也以周案櫪棟也門樞無達北棟者此謂寢東西堂之門樞也無東西箱有室曰寢寢制堂之東西無壁而設以門門上設梁門下設落時落時之長與梁等皆自南柱達北𦵏爾雅𦵏庸謂之梁方者𦵏之偕𦵏者棟也故郭注以櫪言之凡五架之柱無專名多以所駕之殿楹棟名之達北之𦵏謂駕棟之柱也落之言絡連綴之意時猶持也爾雅室中謂之時玉篇引𠂔𠂔止也落時取持止之義樞者動物非有達北𦵏之木連絡而持止之必不能固也

釋文凡作扈云本作凡音侯或作扈音戶凡之言切也
隄也扈讀如扈民之扈止也隄止同義謂所以止其扉
也爾雅秩謂之闕秩字漢人多作切攷工記鄭眾注隄
讀如隄切之切隄切謂門隄也門隄謂之切切謂之凡
廣雅秩凡切也西都賦元墀鉤切卽顧命之階凡切以
銅沓故西京賦謂之金凡金凡卽鉤切自廟寢之制不
分而楹梁之制失樞達北棟之解昧凡之名亦淆室有
東西箱曰廟無東西箱有室曰寢之文亦不明

僞孔傳云堂廉曰凡一說凡之言砌南面兩階之有砌
石以揜階齒以周案落時謂之凡凡者樞之達北方而

地近南階之厓隙其下為主婦視饌處饌古文化配或
从食化饌今周禮又作饌說文云配古文化配以其上
門樞名配其下饌饌名配古文以為段借字故許云爾
也知配配之通俗而配之地亦可定矣書四人綦弁夾
兩階配寢之南面有兩階其東西兩端有兩配二人立
兩階下二人立兩配下皆南面夾之也知立在階配下
者以四人皆綦弁也東西兩配亦有階知階非東西階
者以下文有二人立東西垂是東西階有防之者矣偽
傳配訓堂廉廉在堂上何云夾階堂上宜冕何云綦弁
階旁設砌亦不獨南面為然張衡西京賦刊層謂削階平

堂設切厓隳

謂砌其邊

四面皆同

鄭元說榮屋翼也周制自卿大夫以下其室爲夏屋燕禮言洗當東靄者人君爲殿屋也賈公彥云屋翼卽今之搏風在屋棟兩頭夏屋兩下李如圭云天子諸侯爲殿屋四注卿大夫以下但爲夏屋兩下四注則南北東西皆有靄兩下則惟南北有靄而東西有榮是以燕禮言東靄而大夫士禮則言東榮也以周案士器禮復者升自甫東榮降自後西榮云東西榮別言甫後則土屋亦有四榮矣器大記復者降自西北榮則後西榮在西北而四榮在屋之四角矣鄭云靄屋簷也靄卽屋栢榮

屋栳之兩頭起者此榮霤之別焦理堂云有四榮必有
四霤若惟南北有檐東西無檐兩頭喬起之檐將何所
附而謂有東榮無東霤可乎器大記復者朝服君以卷
夫人以屈狄大夫以元黼世婦以褊衣皆升自東榮降
自西北榮此冒君夫人而曰皆亏榮矣則榮不獨大夫
有之可知榮旣爲諸侯大夫所共有自不尋以有榮而
斷大夫之不四霤也焦氏此說極明

爾雅開謂之榑桷謂之棗棗本亦作節說文云格榑櫨
也榑櫨柱上桷也桷屋榑櫨也桷屋桷上標也以周案
據爾雅桷棗同物據說文格桷榑櫨爲一物桷又一物

段懋堂云群注西京賦栢斗也張載注靈光賦栢方小
木爲之栢在枅之上枅者柱上方木斗又小弓枅亦方
木也靈光層櫨曲枅之下曰芝栢攢羅景福蘭栢積重
之下曰櫨櫨各落此可證栢與枅非一物爾雅渾言之
許析言之然許又引爾雅栢謂之格欲見渾言析言兩
不相背

杜預云援廟栢動弓葢葢屋棟焦循云葢从瓦宐非木
類釋名云屋脊曰葢孔疏取之但屋脊與棟居屋正中
慶氏縱多力亦何能援栢使之動惟廣雅云甃謂之葢
甃卽雷葢雨流處之瓦之名張衡西京賦云葢宇齊平

卽雷之一證以周案簷屋脊當從釋名屋脊在棟故說
文亦云簷屋棟援桷屋脊動言其力若雷瓦桷動自動
不待言也時齊大公廟用夏屋制夏屋屋大而宇卑鄭
注檀弓云夏屋旁卑而廣鄭知爾者以攷工記瓦屋四
分其脩以一爲峻推之自見夏屋屋大而宇卑故子尾
尋抽其桷慶舍尋援其桷洪筠軒據此以爲古屋狹小
之證非也夏之言大鄭謂之旁卑是也以爲屋小失其
義矣

宮室通故二

禮書通故弟二

定海黃以周述

郭璞云兩階閒謂之鄉人君南鄉當階閒中庭之左右謂之位羣臣之別位也金鶚云庭指內朝路寢庭凡言庭皆廟寢堂下聘禮中庭謂廟堂下之庭燕禮中庭謂路寢堂下之庭若治朝外朝皆無堂則亦無庭而名之曰廷所謂朝廷也庭與廷字有別說文庭宮中也廷朝中也庭有堂故其文从广廷無堂但爲平地故其文从土以周案庭廷本別說文可證但經傳亦多通用爾雅兩階閒謂之鄉中庭之左右謂之位以燕朝言燕朝君

立兩階閒治朝君立路門外負屏皆南鄉兩階閒在階下東西階之中閒屏亦當在階下覲禮天子不下堂而見諸侯則立戶牖閒負斧依與朝禮異

鄭元云士冠禮賓降一等執冠者升一等則中等相授降三等下至地疏家云士堂高三尺階三等以此推之天子之堂高九尺階九等諸侯七尺七等大夫五尺五等敖繼公云攷工記言天子堂崇九尺以是差之則公侯伯七尺子男大夫士同三尺三尺三等階段玉裁云中卽中月而禪之中中等相授爲閒一等堂廉下有階三等張惠言云凡階上等卽堂廉士階三等堂廉之下

止二等故注云降三等下至地所以賓降一等執冠者
升一等注云中等相授中隔也謂不並等也與中月而
禘隔一月者微昇以周案凡堂高廉一尺鄭注士昏公
奩禮皆以降堂為止階上則堂廉卽階上等矣降一等
爲降階降二等則盡階矣故曰降三等下至地凡一等
皆一尺如段氏說堂廉下有三等則士堂高四尺失其
義矣敖說夏謬諸侯七尺大夫五尺記有明文何尋鑿
空言之

鄭元云奔器婦人升自東階東階東面階一說東階卽
北階北階在東以周案從鄭注

鄭元云顧命側階東下階偽孔傳云側階北下立階上孔穎達云立亏東坐者已在東下階上何由此人復其竝立故傳以爲北下階王鳴盛云禮記說諸侯夫人奔父母器升自側階奔器禮云婦人升自東階知側階卽東面階也坐與階有別坐在堂廉上階在堂廉下以周案側階北面階地在東北故奔器篇亦謂之東階當從偽傳

鄭元云宮必有碑設碑近如堂漢賈公彥云碑在堂下三分庭一在北敖繼公云碑居庭東西南北之中金鶚云設碑之所四分庭一在北以周案聘禮歸饗餼醢醢

百礮夾碑十剡又米百筥設于中庭繼醴醢而南則碑
在中庭之北有明證矣又還玉大夫升自西階鉤楹賓
自碑內聽命則碑之近堂又可知也鄉射禮設洗如堂
淡設楹南當洗則楹如堂淡而碑在楹北又近于堂故
鄭云近如堂淡此地無可斥言故以近擬之如賈疏碑
與楹同在一處射時何以爲禮乎張皋文禮圖設楹如
堂淡碑又遠之幾中庭非也凡寢廟皆有碑徐健庵謂
寢無碑亦誤

禮家舊說三分庭一在北設碑碑如堂淡七筵庭有三
堂之淡二十一筵以周案士冠禮三分庭一在北設洗

鄉射禮設洗南北如堂深此庭深三堂之證也但不尋以碑言百碑近堂未及三分庭之一也今定天子路寢堂脩二七十四筵庭三堂之深四十二筵其甬後階上至堂檐尙有數筵路寢庭卽燕朝也合堂庭計之約有百步故匠人云市朝一夫鄭注云各方百步謂朝亦各百步也王宮方三里縱橫各九百步朝居三分之一其地有三百步故可朝各百步也賈疏以爲天子二朝居一夫之地本譌洪筠軒據以爲說宮中一夫治朝至外朝一夫則王宮似止一里之大從古無此說也戴東原焦理堂以侯道準寢庭亦未甚當說詳射禮門

荀子云天子外屏諸侯內屏禮也禮緯云天子外屏諸侯內屏大夫以簾士以帷風俗通義公羊傳注佗大夫以帷士以簾賈公彥云覲禮侯氏入門右北面立告聽事天子辭侯氏再拜稽首出自屏南適門西遂入門左據此出門乃云屏南卽是外屏金鶚云星經大微垣屏四星在端門內帝座南近右執法所以擁蔽帝庭也天皇會通云內屏設亏路門諸侯入自應門則天子宁立其南也此天子內屏之證覲禮當以出自屏南爲句謂自屏南而出也屏若在門外稍遠亏門侯氏何必南行繞出屏外而轉北行以適門西乎出自屏南正可爲天

子內屏之證武王踐阼篇師尙父奉書而入負屏而立
入門而負屏在門內甚明以周案天子外屏其說甚古
未可輕易觀禮云出門後乃云屏南固足爲外屏之證
司士弓指孤卿大夫士之下指門左指門右特箸王還
亦足爲外屏之證觀禮自屏南適門西自適相對爲文
適門西必自屏南者爲將襲也襲當在隱處舊解自通
師尙父奉書而入謂入外門

孔穎達云諸侯內屏在路門之內天子外屏在路門之
外而近應門江永云天子屏在應門外諸侯屏在雉門
內若路門不當有屏焦循云屏以木爲之可設可去以

周案屏謂之蕭牆是築土爲之非用木可迭置也屏亦謂之樹論語邦君樹塞門言塞門則屏必近于門矣門既設屏車不尋出入故人君至卿位則下記曰君子下卿位卿位在治朝則應門不尋有屏矣自鄭注樂師有天子登車在大寢西階南之說焦氏因謂屏可設可去承謬襲譌未足信也

爾雅屏謂之樹廣雅孚恩謂之屏李巡說以垣當門自蔽名曰樹郭璞說小牆當門中以周案爾雅屏謂之樹都名也廣雅孚恩謂之屏別名也屏有二塞門之屏以土爲之孚恩在門上以木爲之鄭注旅樹反坫引爾雅

文云樹所以蔽行道又注疏屏天子之廟飾亦引爾雅
文云今浮恩也刻之爲雲氣蟲獸如今闕上爲之矣分
剖兩屏其義甚當近王懷祖郝蘭皋牽合爲一失之
又案鄭疏屏注上二句釋疏屏爲浮恩下二句又引漢
闕角浮恩以爲比浮恩本作孚恩綴以交疏之木其形
如网目故字从网云刻之爲雲氣蟲獸乃其踵事增華
者若漢之宮隅曰角孚恩是也故云如今闕上爲之孚
恩角孚恩亦有不同再人亦多牽合爲一

爾雅門屏之閒謂之宁李巡云謂正門內兩塾閒名曰
宁孫炎云門內屏外人君視朝所宁太處劉熙云宁佇

也將見君所佇太定氣之處也

將見句絕或讀將見君為句謂寧是人臣佇主

處

誤孔穎達云天子亏門外寧太以待諸侯之至故云當

寧而太邵晉涵云天子外屏門以外屏以內謂之寧諸侯未集天子佇太亏此諸侯既集則出至屏外負屏而太曲禮以負屏為當寧猶以負依為當依也以周案門屏闕非視朝所太處記云當寧非即寧也人君視朝在路門外當寧司士正朝儀之佐曰司士擯詔王出指孤卿大夫士又曰王還指門左指門右謂內還鄉門鄭注云此王曰視朝事在路門外之佐擯謂詔王出指朝者然則未擯之時天子佇太亏寧既擯王出指朝者當在

路門外屏外當宁以朝故司士弓指孤卿大夫士之下
特箸王還以見王時在外屏外不在門也如舊說天子
立門屏之間以朝幾弓面牆與臣下不相見曲禮孔疏
謂天子外屏屏在路門之外而近應門亦慮面牆之不
可而依違其說也如金氏說天子亦內屏其朝大門屏
之閒則指門左指門右亦何必云王還矣

江永云門屏之閒謂之宁媵就諸侯內屏而言若天子
屏在應門外則當路應兩門閒為宁矣一說天子屏在
應門內路門外門屏之閒謂之宁媵指天子外屏言諸
侯屏在路門內不專言門屏之閒為宁一說屏之內謂

之宁宁不嫠屬人君言以周案記言天子當依而大當
宁而大皆嫠屬人君爾雅門屏之間謂之宁自統天子
諸侯諸說皆非

鄭元云門堂門側之堂取數云正堂爾雅門側之堂謂
之塾兩室與門各居一分釋宮云一門而塾四外塾南
向內塾北向段玉裁云北向者為塾尋堂脩廣三之一
南向者亦為塾亦尋堂脩廣三之一故記曰門堂三之
二北向南向兩堂之中其一室室尋堂脩廣亦三之一
與門之脩廣等張惠言說門有四堂四室其後各以一
架為室一架為堂以周案門有左右塾其夾一堂故曰

夾室攷工記門堂三之二室三之一門堂卽門室對門
堂爲文卽所謂塾是也非塾更有室段張兩說俱不足
憑鄭云門堂取數亏正堂謂正堂六筵門居三之一尋
二筵故解路門不容乘車五个以爲此門半之丈六尺
五寸其實亦難依據寢廟同制廟門容大扃七个其廣
二丈一尺矣左右塾亦可分內外爲四塾士虞禮釜爓
俎在內西塾是其證

鄭元云路門不容乘車五个乘車廣六尺六寸五个三
丈三尺言不容者是兩門乃容之此門半之丈六尺五
寸金鶚云不容五个是四个有餘五个不足之文其廣

三丈也廟門二丈一尺是羣廟之門若大廟之門當與路寢門同以周案金說本焦理堂其語較明

皇侃孔穎達說門止一闌禮所云中根與闌之間爲中門賈公彥說門有東西兩闌兩闌之間爲中門焦循云實不中門大夫中根闌之間豈大夫轉中門乎以偏爲中斷無此理且鄭注云君入必中門上介夾闌大夫介士介雁行亏後示不相沿也夾闌言君與介夾闌之左右若止一闌是介與君並行矣若中門卽根闌之間必大夫隨君後何以爲不相沿孔疏非也王引之張惠言說經云闌曰闌東曰闌西無東闌西闌之文注亦不云

有東西二闌賈疏引鄭論語大不中門注云大行不當
根闌之中央則鄭以爲一闌尤明中門者一扉之中也
以周案門必兩闌所以表中門也大夫士行大不中門
而玉藻云大夫中根與闌之間則根與闌之中央非中
門矣王伯申以爲門止一闌詳別六證以辨賈失其大
意謂經注言闌不別東西是門無二闌之證其實經舉
根闌各就一偏爲文故不待別其東西義自可見根明
有二亦不見有東根西根之文矣曲禮大夫士出入君
門由闌右不踐闌此以臣禮言據東偏爲文凡臣皆由
門東而入卽士之朝伋在西方其入亦由門東曰由闌

右其爲東闌可知玉藻君入門介拂闌大夫中楹與闌之閒士介拂楹此以賓禮言據西偏爲文凡賓皆由門西而入卽兩君相見其君入必中門亦入自西偏之門曰闌曰楹其爲西闌西楹亦自可知玉藻賓入不中門公事自闌西私事自闌東公事用賓禮私事用臣禮賓自門西入臣自門東入亏入不中門之下曰闌東曰闌西此正門有兩闌之證如門止一闌則闌東闌西卽是中門上下文相觸戾矣且曰中門者必中亏門也曰中楹闌之閒者必中亏楹闌也楹闌之中乃一扉之中所謂闌門左扉大亏其中是也以中扉爲中門則大夫中

根闌之闌正中門矣介拂闌與君並行矣非也

焦循云禮布席于門中闌西闌外謂是門中之闌西非門西之闌西也王引之云闌西者右扉所在也門中者右扉之中也若謂門有兩闌則經當云布席于門中闌間不尋云闌西矣以周案門中與中門異中門者中其門也門中者不必其正中布席門中必箸之曰闌西所以定其位也布席闌西必箸之曰門中闌西者所以別門西之闌西也焦說是如王氏說經曰布席于闌西可矣何必繩言門中且扉不可以冒門中扉不可以冒中

門

孔穎達云行不履闕一則自高二則不淨並為不敬焦
循云鄭以不履闕屬上賓入不中門為義云辟尊者所
從中門為尊者所從闕亦尊者所從蓋闕與門隄有別
揜兩扉則用門隄啟門則徹去門隄而設兩闌兩闌間
則設闕惟不入中門故不履闕以周案焦說蓋非然經
言不履闕皆與不中門對文或與自闌右連文士冠特
牲禮亦云門中闌西闕外存參

爾雅秩謂之闕屨謂之闌許慎云闕門楣也闕門楣也
鄭元說闌門楣闕闌皆門隄也孔穎達云闌門中央所
豎短木也以周案玉藻公事自闌西私事自闌東曲禮

由闌右闌有左右東西之稱則闌爲豎木甚明闌門廩豎木相門隄橫木廣雅廩闌未也沿說文誤

鄭元云天子五門皋庫雉應路魯有庫雉路則諸侯三門與賈公彥云凡平諸侯三門有皋應路若魯三門則曰庫雉路劉敞云天子亦三門有皋門無庫門有應門無雉門有畢門無路門江永云明堂位庫門天子皋門雉門天子應門謂魯擬其制非謂惟魯有庫雉餘諸侯不尋去也戴震云天子諸侯皆三門天子有皋門有應門有路門不聞天子庫門雉門也諸侯有庫門有雉門有路門不聞諸侯皋門應門也以周案天子五門說本

先鄭明堂佽天子有皋門郊特牲王有庫門周書佺雒
解有庫臺其偶應門路門者尤多惟雉門無見文劉戴
說不足信諸侯之門未有偶皋應者明堂佽庫門天子
皋門雉門天子應門則皋應爲天子門甚明賈疏本詩
箋亦非天子五門諸侯三門大夫士二門

鄭眾云王有五門外曰皋門二曰雉門三曰庫門四曰
應門五曰路門鄭元云雉門三門也春秋傳曰雉門及
兩觀災賈公彥云引春秋傳者證魯有三門雉門有兩
觀爲中門則知天子五門雉門亦爲中門有兩觀矣以
周案五門之次當從先鄭天子之宮門曰路應庫其城

二
門曰雉皋檀弓宰夫執木鐸以命云宮自寢門至亏庫
門寢門爲宮之內門庫門爲宮之外門也又曰軍有憂
則素服哭亏庫門之外亦謂宮之外門又曰繹之亏庫
門內言不宜在外門當亏廟門閭人掌王宮中門之禁
當是應門仲師說庫門康成說雉門皆非

古春秋說天子周城諸侯軒城毛詩說王之郭門曰皋
門鄭箋說諸侯之宮外門曰皋門朝門曰應門內有路
門天子之宮加以庫雉陳奐云詩之皋門傳以爲郭門
則皋門非宮門天子郭門爲皋門城門爲雉門庫門爲
宮之外門應門爲宮之中門路門爲宮之內門合城郭

爲五門離之則爲三門諸侯南面無城以宮垣爲城牆
卽以宮之外門爲城南門非如徐彥所疑城墉不完之
說也諸侯之宮亦三門庫門爲宮之大門雉門爲宮之
中門路門爲宮之內門唯天子以雉門爲城門諸侯無
城門以雉門爲宮之中門爲辟以周案天子宮垣之門
有三路門爲宮門之終亦曰畢門應門爲宮門之中亦
曰中門庫門爲宮門之外亦曰大門顧命二人雀弁輅
惠大亏畢門之內謂路門也周官閹人掌守王宮中門
之禁謂應門也聘禮公出及大門內問君賓對與秋官
司儀出及中門之外問君客再拜對兩文並同大門內

卽中門外是天子諸侯皆三門之證古者王宮方三里周築爲城或謂之周城又曲其城而設重門或又謂之曲城對國門言之亦謂之中城毛詩說皋門據中城言之中城之郭門曰皋門其城門曰雉門與諸侯亦有中城而闕其南方謂之敵亦謂之軒城春秋兩書城中城卽此也魯城中城與梁伯溝宮同見故榮梁傳曰非外民也天子周城亏外朝南設重門故有五門諸侯軒城不設門故止三門何注公羊云軒城者缺南面以受過也說文古者城闕其南方謂之敵皆從古春秋說與毛傳合仲師說天子五門曰皋雉庫應路諸侯三門當以

雉庫路爲次雉門爲公宮之大門魯雉門設兩觀觀謂之闕亦謂之象魏太宰縣治象司徒縣教象司馬縣政象司寇縣刑象並在象魏象魏當在大門如康成注雉門爲中門是萬民可以出入宮門非已禮運仲尼與弓蜡擯事畢出遊亏觀之上蜡亦祭宗廟宗廟在大門內故尋出遊雉門之觀如雉門爲中門不尋云出陳申毛傳有見諸侯三門之次仍沿鄭譌

孔穎達云左氏傳子良伐虎門鄭元以虎門爲路寢門此亦當然或以爲非路寢門當是宮之外門以周案路門師氏謂之虎門書又謂之畢門春秋傳之虎門後世

放之爾

金鶚云天子諸侯大夫皆三門曲禮客至弓寢門先言
每門每門非一門合之寢門是有三門矣聘禮問卿亦
有每門每門曲揖大夫之廟與天子諸侯同在中門內則
聘賓之入必歷外門中門故曰每門大夫有二朝內朝
在寢門內外朝在中門內士燕臣故無朝無朝故止二
門以周案舊說大夫士皆二門大夫二朝內朝在寢門
內外朝在大門內其由大門入廟門中有閤門故有每
門每門之制曲禮所言凡與客入者每門讓弓客不專
指大夫言故曰凡如據此為三門之制則亦可謂士有

三門乎

何休云禮天子外闕兩觀諸侯內闕一觀劉熙云闕在門兩旁中央闕然爲道也焦循說天子應門設兩觀諸侯則臺門也闕與臺門止一與兩之分兩曰闕門一曰臺門以周案觀謂之闕闕在門之兩旁西都賦圓闕竦以造天若兩碣之相望是也子家駒以兩觀爲天子禮故何注有天子兩觀諸侯一觀之說其云天子外闕者天子周城闕設皋雉兩門門各兩觀也諸侯軒城惟雉門之在宮中者有一觀亦在門旁別築土爲之非門上架屋如焦理堂所說且臺門者謂兩旁築土爲臺臺上

架屋以爲門亦非築土爲門門上架屋如焦理堂所說
天子五門諸侯三門皆有臺故曰天子諸侯臺門

鄭元云宮隅城隅謂角浮恩也戴震云門臺謂之宮隅
城臺謂之城隅焦循云鄭注角釋隅角浮恩者城之四
角爲屏以障城高于城二丈以周案從焦說宮隅周城
之隅城隅國城

鄭元云天子九門路門應門雉門庫門皋門城門近郊
門遠郊門關門也高誘云天子城門十二東方三門王
氣所在處尙生育餒獸之藥所不尋出也嫌餘三方九
門尋出故特戒之以周案高意匠人營國方九里旁三

門四旁共十二門以時在春東三門爲王氣所生故磔
禴止此三方餒獸之藥亦毋出此九門然門有十二但
曰毋出九門反致人疑東方三門之可出月令及呂覽
曷不并數之而曰毋出十二門乎其說迂矣今從鄭注
王氏述周云季春命國雉九門磔攘季冬命有司大雉
旁磔鄭注云旁磔亏四方之門四方之門卽九門也凡
言旁者皆徧四方之謂則毋出九門亦謂四方之門矣
蓋南方三門東西北各二如世室九階之例古人言城
門者多寡不同攷工記則十二門月令則九門齊策言
衛之城門則十門參差不一此不能合者也王說亦通

公羊傳云西宮者何小寢也有西宮則有東宮矣魯子曰以有西宮亦知諸侯之有三宮也劉向云天子諸侯三寢高寢居中路寢居左右春秋公歆云高寢傳曰高寢者何正寢也高寢者始封君之寢也二路寢者繼體君之寢也何休云天子諸侯皆三寢一曰高寢二曰路寢三曰小寢西宮小寢內室夫人居中宮少在右左媵居西宮左媵居東宮少在後鄭元云王六寢路寢一小寢五后象王太六宮亦正寢一燕寢五賈公彥云諸侯三寢路寢一燕寢一側室一胡培翬云諸侯路寢一小寢三夫人亦正寢一小寢三孔疏夫人三寢兼正寢言

非是金鶚云公羊傳西宮者何小寢也有西宮則有東宮矣左傳子國子耳劫鄭伯以如北宮又衛侯夢亏北宮有北宮則有南宮矣南宮卽路寢東宮西宮北宮皆小寢則諸侯有四寢矣夫人亦有四寢正寢一小寢三以周案天子諸侯之寢見亏經傳者止有路寢小寢所謂夔寢高寢皆小寢也鄭注小寢有五據后六宮擬之也天子爲后大六宮見內宰及昏義諸侯夫人有三宮見祭義六宮正寢一小寢五鄭注是三宮正寢一小寢二故祭義云卜三宮夫人世婦之吉者鄭注三宮半王后亦兼正寢言以此例之則諸侯三宮亦正寢一小寢



二可知也金氏胡氏謂正寢外別有三寢自古無此說
未敢信也公羊家言天子諸侯皆三寢與禮家說異其
言小寢有中宮東宮西宮與禮家說合高寢卽釋服之
小寢大亏三宮故謂之高而實小亏路寢故繫梁傳曰
高寢非正也劉子政治繫梁學所引傳與今异匠人內
九室當在後正寢之側側室不專謂之寢賈疏亦非寢
依說文作寢

徐彥云君在西宮太子常居東宮易象西北爲乾乾爲
君父故君在西東方震震爲長子故太子在東胡培翬
云宮室之制尚有正寢次有燕寢次夫人正寢及燕寢

皆南北相值爲之子所居當在其旁故曰東宮或子眾多則各太一宮儀禮所謂東宮西宮南宮北宮是也太子長故處東宮非對君在西宮而名以周案從胡說

爾雅宮中之門謂之闔逸禮說東南稱門西北稱闔以周案劉昭續漢志注云周官有門闔之學師氏教以三德守王所保氏教以六藝守王闔此門闔之分也戴文門亦稱闔不必在宮中亦不必分東西左傳子我歸屬徒攻闔與大門大門旁之小門亦稱闔是闔不必在宮中劉昭續志注引大古明堂禮曰中出南闔曰側出西闔曰闔出北闔南北之門亦曰闔是門闔不必分東西

廟在寢東其闔門當在西牆江慎修戴東原張皋文圖
在東牆孔奭軒圖在北牆金誠齋又說四周皆有闔俱
未可信

鄭元說士虞禮啟牖鄉牖先闔後啟扇在內也鄉牖一
名以周案牖與窗渾言通析言別牖从片片判木也判
其木以爲扇可閉可啟窗古文作篆作窗象木交錯
之形是不可啟閉者也鄉爲牖之別名非室北別有鄉
或以北出牖解之非

毛詩說塞向墜戶向北出牖也庶人簞戶韓詩說鄉北
向窗也孔廣森云士虞禮啟牖鄉器大記寢東首亏北

牖下是寢有北牖寢室偏西其當西堂之北者必幽闇
故爲北窗以助明洪頤煊云器大記寢東首亏北牖下
士器禮商祝從入當牖北面是室中北墉有牖以周案
郊特牲云薄社北牖使陰明也則宗廟正寢之牖不北
可知詩塞向墀戶必非正寢之制正寢之戶雖寒不堪
則所塞之向亦不在正寢可知此乃庶人之制毛傳自
明孔洪說誤器大記北牖下牖乃墉字之譌見鄭注士
器禮當牖北面徹枕謂當南牖北面徹之時祝值戶南
亦見鄭注凡正寢之室北有墉無牖

爾雅陝而脩曲曰樓許慎云樓重屋也劉熙云樓言戶

牖之間有射孔婁婁然也以周案經傳樓臺連文左傳
囚諸樓臺爾雅陝而脩曲曰樓承上四方而高曰臺爲
文樓者臺上廡廡之屋也其字本作廡說文廡屋麗廡
也玉篇麗廡婁綺窗則樓者戶牖之間麗廡交疏所謂
浮恩是也其制惟施亏城隅宮隅鄭注考工記云宮隅
城隅謂角浮恩賈公彥云浮恩小樓是也城隅宮隅皆
築土爲之形陝而脩至隅又曲鄭注浮恩謂之角亦取
陝而脩曲之義邵郝二家疏爾雅說皆未明說文麗廡
字作廡樓訓重屋亦謂重屋之麗廡也故樓之下次以
駢通之藥闌檻之楯楯閒子方格之櫺自後世麗廡之

制失而樓爲重屋之通名兮是紛紛駁說文矣

爾雅無室曰榭李巡云但有大殿而無室名曰榭以周
案爾雅無室曰榭蒙上無東西箱有室曰寢爲文箱者
牆也有室謂夾室說已詳上若并夾室而無之謂之榭
則榭者自後檐以并無夾也故杜注左傳宣榭火引爾
雅文云屋歇并與李注異榭卽所謂堂皇非在臺上孔
疏謂居臺而臨觀講武直以爲臺上之屋誤

尙書大傳云古者百里之國三十里之遂二十里之郊
九里之城三里之宮七十里之國二十里之遂九里之
郊三里之城一里之宮五十里之國九里之遂三里之

郊一里之城以城爲宮鄭元云元或疑焉周禮匠人營國方九里謂天子城也今大國九里則與天子同春秋傳曰中五之一小九之一以此推說小國大都之城方百步中都之城六十步小都之城三十二步三分之一非也然則大國七里之城次國五里之城小國三里之城焉爲近可也或者天子實十二里之城諸侯大國九里次國七里小國五里以周案伏說遂郊之數亦與周禮不可通詳田制門

昇義云戴禮及韓詩說八尺爲板五板爲堵五堵爲雉板廣二尺積高五板爲一丈五堵爲雉雉長四丈古周

禮及左氏說一丈爲板板廣二尺五板爲堵一堵之牆
長丈高丈三堵爲雉一雉之牆長三丈高一丈以度其
長者用其長以度其高者用其高也鄭元駁云左氏傳
說鄭莊公弟段居京城祭仲曰都城過百雉國之害也
先王之制大都不過三國之一中五之一小九之一今
京不度非制也古之雉制書傳各不畧其詳今以左氏
說鄭伯之城方五里積千五百步也大都三國之一則
五百步也五百步爲百雉則知雉五步五步亏度長三
丈則雉長三丈也雉之度量亏是定可知矣以周案諸
家說板有八尺一丈之异雉有五堵三堵之別公羊定

公十二季傳云雉者何五板而堵五堵而雉百雉而城
何注云八尺曰板堵凡四十尺雉二百尺百雉二萬尺
凡周十一里三十二步二尺也公侯之制禮天子千雉
蓋受百雉之城十伯七十雉子男五十雉疏云公侯方
百雉天子千雉云云皆春秋說文蓋春秋緯也戴禮韓
詩說板制雉制與公羊同其云雉四丈與何注异何意
五板而堵五堵而雉皆言其長戴禮韓詩以爲五板而
堵爲雉之高五堵而雉爲雉之長故云高五板爲一丈
雉長四丈古周禮及左氏說作一丈爲板五板爲堵三
堵爲雉堵雉皆高一丈而堵長一丈雉長三丈詩百堵

皆作毛傳云一丈爲板五板爲堵文與此同三堵爲雉
毛詩無文要之毛詩及周禮左氏說皆是古文家其同
可知而戴禮韓詩公羊乃今文家說其所傳異也鄭箋
毛詩不用古文家說引公羊傳文云雉長三丈則板六
尺以破毛傳誤矣且板六尺今文家亦無是言不足信
也其駁異義語是

異義云天子之城高九仞公侯七仞伯五仞子男三仞
古周禮說天子城高七雉隅高九雉公之城高五雉隅
高七雉侯伯之城高三雉隅高五雉都城之高皆如子
男之城高以周案匠人云王宮門阿之制五雉宮隅之

制七雉城隅之制九雉門阿之制以爲都城之制宮隅之制以爲諸侯之城制鄭注云雉長三丈高一丈度高以高度廣以廣都四百里外距五百里王子弟所封其城隅高五丈宮隅門阿皆三丈諸侯畿以外也其城隅制高七丈宮隅門阿皆五丈賈疏云子男城亦與伯等是以周禮說不云子男及都城之高直云都城之高皆如子男之城高戴東原云公侯伯之城皆當高五雉城隅與天子宮隅等惟子男之城或同都城爾說各歧昇今從注疏

昇義云云

其說已佚

鄭元

駁云或云周亦九里城則公七里

侯伯五里子男三里以周案據匠人文天子營國方九里據典命文公九里則天子當十二里鄭注典命云公之城蓋方九里宮方九百步侯伯之城蓋方七里宮方七百步子男之城蓋方五里宮方五百步鄭意以此爲正故駁異義以公七里侯伯五里子男三里爲或說其箋詩文王有聲云文王之城方十里大亏諸侯小亏天子之制注論語以爲公大都之城方三里見左傳隱公元年疏皆以天子十二里公九里也金誠齋以九里之說爲確左傳云都城過百雉國之害也先王之制大都不過參國之一夫鄭伯爵也侯伯城方三百雉雉長三丈一里計

百八十尺三百雉適足五里推而上之天子當九里矣
逸周書作雉解乃作大邑成周圻土中城方千七百二
十丈七當爲六字之譌千六百二十丈是爲九里此周
天子之制灼然可據

鄭元云稷記成廟則鸞之路寢成則考之而不鸞鸞屋
者交神明之道也言路寢生人所居不鸞者不神之也
考之者設盛會以落之爾檀弓云晉獻文子成室諸大
夫發焉是也杜預云宮室始成祭之爲落孔穎達云落
是以洒澆落之雖不如廟以血塗其上當祭中霤之神
以安之以周案爾雅落始也楚子成章夢之臺願與諸

侯落之謂與諸侯始其事也楚語伍舉曰今君爲此臺
願尋諸侯與始升焉是其明證矣宮室旣成亏是享賓
客以落之故鄭注禮記云考之者設盛會以落之又引
檀弓諸大夫發弔以爲證哀十七季傳衛侯爲虎幄亏
藉圃成亦令名者與之始會弔事亦相類落以享賓饗
以祭神明是兩事注家多溷言之未是說詳王氏述聞
孟子云五畝之宅樹之以桑許慎云廬二畝半也二或作一
一家之居趙岐云廬井邑居各二畝半以爲宅以周案
一廬二畝半此定制也孟子五畝之宅并據樹桑之地
言之毛詩七月爰采柔桑傳云微行牆下徑也引孟子

五畝之宅樹之以桑載師宅不毛者有里布先鄭注以爲不樹桑麻亦引孟子文遂人上地夫一廛鄭注廛城邑之居亦引孟子文是毛傳先後鄭注並以五畝之宅爲邑居非合廬舍二畝半也趙注失之參見田賦門廛與宅混言通析言別宮之地二畝半謂之廛宮之外別有二畝半以樹桑謂之宅先王量地制邑度地居民定法如此而士大夫家或有以樹桑之地爲臺沼者是亦所謂宅不毛也寒畯之家亦有宮不及二畝半者是則所謂儒有一畝之宮環堵之室也過制者有罰不及者不禁

子受業陽湖趙椿季初校
家驚復校